



15
1301
17



門 5
號 1301
卷 17

唐文拾遺卷之五十七

榮祿大夫三品頂戴前分巡廣東高廉道加四級臣陸心源輯

闕名五

上都兩街

會昌六年正月左右街功德使

准今月五日赦書節文上都兩街先各留寺兩所依前委功德使收管其所添寺於廢寺中揀擇堪修建者臣今左街謹具揀擇置寺八所及數內回改名額分析如後兩所依前名額興唐寺保壽寺六所改名舊額僧寺四所寶應寺改為資聖寺青龍寺改為護國寺菩提寺改為保唐寺清禪寺改為安國寺緣聞

昭和十年
二月十四日
購求

架數少取華陽寺連接充數尼寺二所法雲寺改爲唐安寺崇敬寺改爲唐昌寺右街置八所二所先准勅留西明寺請改爲福壽寺莊嚴寺改爲聖壽寺八所添置二所請依舊名額僧寺一所千福寺尼寺一所興元寺六所請改名僧寺五所化度寺改爲崇福寺永泰寺改爲萬壽寺溫國寺改爲崇聖寺經行寺改爲龍興寺奉恩寺改爲興福寺尼寺一所萬善寺改爲延唐寺謹定揀擇添置及改名額分析如前

唐會要四十八

請定憲宗廟配享功臣奏

會昌六年十月太常禮院

十月十三日太廟祫享廟庭配享功臣得修撰官朱儁狀自高祖至德宗每室並有功臣配饗伏以憲宗皇帝誅盪淮蔡削定河朔武功英略赫耀中興啟沃謨猷必資元輔其配享功臣伏請聞奏定名降下

唐會要十八

幕府遷授章服先綠後緋奏

大中元年中書門下

幕府遷授章服貞元元年之間使府奏職至侍御史然後許兼省官至章服皆計考效近日奏行殿中及戎卒便請朱紫數事俱行其中自綠腰金皆非典故今請自侍御史待年月足後更奏始與省官至于朱

紫許于本使府有事績尤異者然後許奏請准副使
行軍奏職特加先著綠便許緋餘不在此限

唐會要三十一

及第三年任奏試官奏

大中二年正月
中書門下

從貞元元年大和九年秋冬前皆是及第便從諸侯

府奏試官充從事兼史館集賢宏文諸司諸使奏官

充職以此取人常多得士由是長不乏材用大和會

昌末中選後四選諸道方得奏充州縣官職如未合

選並不在申奏限臣等昨已奏論面奉進止自今已

後及第後第三年即任奏請

唐會要七十六

諸使奏官不得虛豎頭銜奏

大中二年十月
中書門下

伏以銀青借兼檢校賓客官及朝散大夫階並三品

資歷白身不合虛豎奏官近年諸司使多虛豎此色

頭銜奏請授官求中上州長馬及上州判司踰濫僥

倖莫甚於此臣等商量自今已後諸司諸使應合奏

授正官者並不得虛銜前件官階奏請如是長不守

章程依前論請奏聽進止其諸道差知進奏官亦望

准此處分

唐會要七十九

搜訪武德以來名臣子孫奏

大中三年四月
中書門下

武德已來宰輔名跡在上等者及配享功臣子孫伏

以勲德之後慶賞所延每有恩制多令訪錄將以興

廢繼絕尊賢報功事歸獎勸義主沉翳近日諸家目
論頗衆史官曹闕合用者稀縱欲比擬亦未詳悉應
前件罔色子孫准前後制勅令搜訪與官者望許於
吏部陳狀便委磨勘如審是嫡嗣未有官名者具狀
聞奏非時與一人解褐官如有出身已曾官任選日
優與處分如自以才行嘗登科第及是諸房子孫不
承祭祀并先因存獎以授正官者並不在限卽冀所
加恩例式協本條

唐會要
十八

刺史條流先申觀察奏

大中二年二
月中書門下

諸州刺史到郡有條流須先申觀察使與本判官商

量利害皎然分明卽許施行如本是前政利物徇公
事不得輒許移改不存勾當踵前因循判官重加殿
責觀察使聽進止仍委出使郎官御史常切詢訪舉

察

唐會要
六十九

方鎮子弟不得奏留奏

大中三年三
月中書門下

伏准大和六年六月御史臺奏本置官員藉其任守
吏曹注擬皆是職司况調選須有出身合年十五以
上比及於選入以十年則二十五可以爲成人矣今
則皆稱年小奏請勾當所在相承積習成例若實年
小卽不合早補身名若補實當年又何慮爲官不了

合請諸道方鎮子孫應選授及奏授官一切勒歸本任不得輒有奏留如或恩出殊常賜及一子者年十三以下卽任奏聽進止奉勅宜依者臣等謹詳勅前約勒非不丁寔近日不守勅文例皆請奏臣等商量自今已後諸道節度觀察防禦經略等使如或特降恩制賜及一子官年十五以下者卽望許奏請勾當留除外其餘並望準前勅處分其見在干牛進馬者並準今年三月三日勅處分

唐會要七十九

司直評事未出使不任分司奏

大中三年三月大理寺

當寺司直評事從前不循公理到官便求分司迴避

出使致令官職失守勞逸不均伏請從今以後待次充使後卽任分司如未出使不任分司限

唐會要六十六

賜緋賜紫事例奏

大中三年五月書門下

增秩賜金紫雖有故事如觀察使奏刺史善狀並須指事而言不得虛爲文飾其諸道副使判官如事績尤異然後許奏論惟副使行軍先著綠便許賜緋其餘不在此限者諸使奏請或資品尙淺卽請章服或賜緋未幾又請賜紫準令入仕十六考職事官散官皆至五品始許著緋三十考職事官四品散官三品然後許衣紫除臺省清要牧守常典自今已後請約

官品爲例判官上檢校五品者雖欠階考量許奏緋副使行軍俱官至侍御史已上者縱階考未至亦許奏緋如已檢校四品官兼中丞先賜緋經三周年已上者兼許奏紫其有職事尤異關錢穀者須指事上言監察已下量與減年限進改殿中以上然後可許賜章服公事尋常者不在奏限

唐會要三十一

劾韋讓侵街造舍奏

大中三年六月右巡使

義成軍節度使韋讓前任宮苑使日故違勅文于懷真坊西南角亭子西侵街造舍九間

唐會要八十六

久任令尉奏

大中三年九月月中書門下

兩府畿令及次赤令伏以古者爲吏長子孫蓋言其在官之久也然後備諸風俗政術可施近日入仕門多交替稍速近以續降手敕又面奉德音應選擇者不得其人欲使撫字者久安其任臣等商量自今已後其兩府判司及縣丞尉不帶敕額事及不知捕賊不得非時奏請如或政績尤異朝廷別有獎拔及職事不修須議替者不在此限內

唐會要六十九

諸司職掌不得一人判數曹奏

大中三年九月月中書門下

伏以列官分職各有司存苟或侵踰則乖彙憲近日判府司及兩縣簿尉多繫諸司職掌遂使額外假稱

一人兼判數曹易為因循難以責辦臣等商量自今
已後諸司職掌改集賢館宏文館並不得帶府判司
及兩縣簿尉集賢館宏文館仍每司不得過一員見
在諸司充職者請勒歸本司

唐會要
六十七

史館典書五考參選奏

大中四年
四月史館

當館寫國史楷書典書等與集賢院寫書人等承前
一例並校成五考便勒赴選自大和八年已後被吏
部條流奏五考滿後待受散三年今集賢院以其勞
役年深補人不得去年三月十三日具事由中奏已
蒙勅下並免三年受散訖今當館未蒙處分伏請依

例並勒校成五考便許參選

唐會要
六十四

修斜谷及館驛舊路奏

大中四年六
月中書門下

山南西道新開路訪聞頗不便人近有山水摧損橋
閣使命停擁館驛蕭條縱遣重修必倍費力臣等今
日延英面奏宣旨却令修斜谷舊路及館驛者臣等
商量望詔封赦及鳳翔節度使觀察使令速點檢計
料修置或緣館驛未畢使命未可經通其商旅及私
行者任取穩便往來不得更有勒約

唐會要
八十六

宏文館典書准例處分奏

大中四年七
月宏文館

當館楷書典書等與集賢史館楷書等承流前例並

勒校成五考赴選自太和八年以後被吏部條流並加授散三年今集賢史館奏勞役年深補召不得已蒙勅下免三年授散訖今當館請准例處分唐會要六十四

按此首與前四月史館所奏畧同然宏文與史館各別當另為一首

村邑佛堂待兵罷建置奏大中五年七月宰臣

陛下崇奉釋教臣子皆願奔走慮士庶等物力不逮擾人生事望令兩畿及州府長吏與審度事宜樽節聞奏不必廣為建造驅役黎甿其所請度僧尼亦須選有道行為州縣所稱信者不得容隱凶惡之流却

非敬道望委長吏精加揀擇其村邑佛堂望且待兵

罷建置為使唐會要四十八

諸道奏請起復准舊例奏大中五年八月宰臣

伏以通喪三年臣庶一致金革無避軍旅從權近日諸使及諸道多奏請與人吏職掌官并進奏官等起復因循既久訛弊轉深非惟大啟倖門實亦頗紊朝典臣等商量自今已後除特勅及翰林并軍職外其諸司諸使人吏職掌官并諸道進奏官並不在更請起復授官限其間或要藉驅使官任准舊例舉追署職令勾當公事待服闋日即依前奏唐會要三十八

刺史得替敕到交割奏

大中五年九月中書門下

諸州刺史交割及初到任下擔得替後資送裝事應諸州刺史除替後新人在遠者動經三四箇月不到任從便近處亦或一兩箇月不到舊人在任既不理事務又須一切州縣祇供將吏依舊衙參祇候守分者固難自處多端者猶能害人自今已後望令應諸州刺史得替已除官者即敕到後交割了便赴任如未除官者敕到後與知州官分明交割倉庫及諸色事如不分明交割便令舊刺史離本任不要更待新刺史到交割公事後稱有小小異同即令勘問知州官

并任行牒聽勘問詰前刺史如大段差謬即委具事狀奏聞其知州官別議推罷郡刺史未別除官者准會昌九年敕文令所司在州縣供給伏恐日月久深不遵舊制望令所在經過州縣准舊節文處分勿使羈旅州許供三日縣許供二日應諸州刺史初到任准例皆有下擔什物離任時亦例有資送成例已久州司各有定額准乾元元年及至德二載并會昌元年制敕只禁科率所由抑配人戶至於用州司公廨及雜利潤天下州郡皆自有矩制緣曾未有明敕處分多被無良人吏百姓便致詞告云是贓犯自今已

後應諸州刺史下擔什物及除替送物但不率斂官吏不科配百姓一任各守州郡舊規亦不分外別有添置若輒率斂科故違勅條當以入己贓犯法餘望准前後敕處分

唐會要六十九

建置佛堂蘭若奏

大中五年十月十七日宰臣上言

近有勅許罷兵役後建置佛堂蘭若若今邊事寔息必恐奏請繼來若不先議條流臨事恐難止約伏以釋門之教本貴正真奉之精嚴則人用加敬今諸州府寺宇新添功悉未畢百姓等若志願崇奉則宜並力同修自今已後有請置佛堂蘭若者望所在長吏

分明曉示待一切畢後或有云州府遠處大縣卽許量事建置一所其餘村坊不在更置佛堂蘭若限

唐會

要四十八

河東各道許奏判司丞簿奏

大中五年十月月中書門下

伏見諸道及州府如縣令錄事參軍有闕及見任官公事闕敗切要替換卽事各舉所知聞奏及須蒞官曾有課績處已必能清廉如論薦不當舉主先議懲殿其判司參軍文學縣尉丞簿等不在奏限其河東潞府邠寧涇原靈武振武鄜坊滄德易定夏州三川等道或道路懸遠或俸料單微每年選人多不肯受

若一例不許則都俸不在給留別限仍勒知後判官
不許則都無正官今請前件數道除縣令錄事參軍
外其判司縣尉丞簿每年量許奏三員須是元額闕
不得替考深人其闕一年吏部不注即注且差攝二
年吏部不注然後許奏請仍資序不得超越如是散
試及外不得奏第二任官其京百司除職事外不在
更奏官限

唐會要
七十九

議依白宏儒奏遷諸太子廟奏

大中六年
禮院

伏以列聖祖宗尚同太廟追冊儲嗣不合別祠蓋以
年月各殊寵恩有異歲時已久即宜改更况春秋薦

享之時禮樂牲牢之用重煩人力寔爲皇居今據從
卑就尊翊置年月即合移懷懿太子以下三廟就惠
昭太子廟地既卑下多有浸濕非可經久莊恪太子
廟地居高敞屋更寬廣若移同一廟只要增置廟室
謹詳遷就誠謂久安審其便宜移廟未虧于典故今
列次增室祔禮尊崇酌中之道可行申奠之儀不失
臣與官寮等集議請依宏儒所奏事誠允當寔舉舊

章

唐會要
十九

諫免鄭光莊田稅奏

大中六年三
月中書門下

伏以鄭光是陛下元舅寵待固合異等然而據地出

稅天下皆同隨戶雜徭久已成例將務致治實為本
根近日陛下屢發德音欲使中外畫一凡在土庶無
不仰戴聖慈今獨忽免鄭光莊田則似稍乖前意况
征賦所入經費有常差使不均怨嗟斯起事雖至微
繫體則大臣等備位台司每承誠勵苟有管見合具
啟陳謹錄奏聞伏聽勅旨

唐會要
八十三

勘審常平義倉奏

大中六年
四月戶部

請諸道州府收管常平義倉斛斛今後如有災荒水
旱外請委所在長吏差清強官勘審如實便任開倉
先從貧下不濟戶給貸訖具數分析申奏并報戶部

不得妄有給與富豪人戶其斛斛仍仰本州錄事參
軍至當年秋熟專勾當據數追收如州府妄有給使
其錄事參軍本判官請重加殿罰長吏具名申奏

唐會
要八
十八

許嶺南各道年終論薦奏

大中六年五
月中書門下

嶺南桂管容管黔中安南等道刺史自今已後伏請
於每年終薦送各官選擇校量資序稍議遷獎本道
或知有才能亦許論薦仍須量資相送歷任分明更
不在奏散試官充司馬權知州事限

唐會要
六十九

續修會要添給廚料奏

大中六年六
月宏文館

伏以三館制置既同事例宜等比來無事未敢申論
今緣准勅修續會要以來官僚入日稍頻因緣費用
其數至多紙筆雜物等不敢別有申請其厨料從前
欠少伏請准兩館流例增添給用之間庶得濟辦唐會要
十四

宰臣周親宣弔奏

大中六年十月太常禮院

伏查宰臣周親如是伯叔及親兄弟或曾居重任或
位列朝行七品已上官則請行宣弔之禮如年齒幼
官位卑及其餘周親事並請不用遣使庶輕重之宜
有節降殺之義得中若宣弔例以暮年伏慮有煩聖

聽唐會要
三十八

宗子家狀送圖謹院奏

大中六年十一月宗正寺

當司修圖譜官李宏簡伏以德明皇帝之後興聖皇
帝以來宗祊有序昭穆無差近日脩撰率多紊亂遂
使冠履僭儀元黃失位數從之內昭序便乖今請宗
子自常參官并諸州府及縣官等各具始封建諸王
及五代祖及見在子孫錄一家狀送圖譜院仍每房
納於官取高處昭穆取尊轉送至本寺所司磨勘屬
籍稍獲精詳唐會要
三十六

條流諸道俸料職田奏

大中六年十一月書門下

應諸道節度使觀察團練使防禦經畧等使所請俸料職田祿粟時服雜給並諸色人事用度等先奉聖旨令條流奏來者伏以藩鎮之任寄切分憂一方慘舒繫在長吏近者所在軍府多稱窮空因緣增添費用滋廣不遵往例唯徇人情物力既困于公家誅斂終歸于百姓稍能釐革裨益實多置使之初必有定額歲月深遠或多改更望令諸道帥臣及長吏各詢訪事例檢尋簿書其間苟踰舊規及有新置並宜除去務在至公于軍府州鎮經營利綱等項相承既久併絕則難相害于人亦宜禁止

唐會要七十九

明立剃度僧尼新規奏

大中六年十一月祠部

當司伏准累年赦文及別勅建置佛堂並剃度僧尼等伏以陛下護持釋教以濟羣生出自聖慈孰不知感非欲華飾寺宇廣度僧尼興作勞人匱竭物力近日天下未喻聖心建置漸多剃度彌廣奢靡相尚浸以日繁恐黎甿因茲受弊臣職司其局不敢曠官當陛下求理納諫之時是小臣罄竭肝膽之日伏乞允臣所奏明立新規舊弊永除天下知禁如此見佛法可久民不告勞

唐會要四十八

量建寺院關防僧尼奏

大中六年十二月宰臣上言

伏以西方之教清淨爲宗拯濟爲業國家宏闡已久
實助皇風然度僧不精則戒法隳壞造寺無節則損
費過多有司舉陳實當職分但須酌量中道使可久
行自後應諸州准元勅置寺外如有勝地名山靈蹤
古跡實可留僧爲衆所知者卽任量事修建却仍舊
名其諸縣有戶口繁盛商旅輻輳願依香火以濟津
梁亦任量事各置院一所於州下抽三五人住持其
有山谷險難道途危苦羸車重負須暫憇留亦任因
依舊基却置蘭若並須是有力人自發心營造不得
令姦黨因此遂抑斂鄉閭此外更不得輒有起建如

引別勅處分不在此限其僧尼踰濫之源皆緣私度
本教遮止條律極嚴不得輒有起建如可容姦必在
禁絕犯者准元勅科斷訖仍具鄉貫姓號申祠部上
文牒其官度僧尼數內有闕卽仰本州集律僧衆同
議揀擇聰明有道性已經修鍊可以傳習參學者度
之貴在教法得人不以年齒爲限若惟求長老卽難
奉律儀剃度訖仍具鄉貫姓號申祠部請告牒其僧
中有志行堅精願尋師訪道但有本州公驗卽任遠
近遊行所在關防所宜覺察不致真僞相雜藏庇姦

人唐會要
四十八

刺史到任聞奏公事奏

大中六年十二月中書門下

諸州刺史仰到任後一季以來尋訪凋瘵之由搜求疾苦之本兩季以後可以周知伏以古之報政備在典章後代因循曾無實效今請觀察使刺史到任一年卽悉具釐革制置諸色公事逐件分析聞奏并申中書門下視其所司眞僞自分才能可辦事有可行者著爲令典使久遵守旣欲責其潔已須令俸祿少充以厚薄不同等級無制致使俸薄者無人願去祿厚者終日爭先應中下州司馬與軍事俸料共不滿一百千者請添至一百千其上中州不滿一百五十

千者請添至百五十千其雄望州不滿二百千者請添二百千其先過者仍舊並於軍事雜錢中方圓置本收利充給如別帶使額者並依舊不在添限其無明文額外徵求或送故迎新廣爲率斂或因徵發頓近橫有破除皆是貧戶出錢惟使姦人得計其他侵擾色日至多不問公私一切禁斷其刺史爲政必除其民瘼在官必勵於公心日限纔終卽議遷獎其或不出常流全無政績須知事分合守田園不可得替求官稍遲卽興怨謗自今已後應諸刺史得替求官者亦准前任年月爲限滿者卽量才除授使免飢寒

未滿者任其東西使營生計其有課績殊異廉使薦論校勘不虛誠可優升者不在此限若授任之後聲實相乖卽是廉使別帶私情或因權勢論說上罔明主下困齊民所罪並歸舉主

唐會要六十九

孝女收父遺骸奏

大中年兗州奏

先差赴慶州行營押官鄭神佐陣沒其室女年二十四先亡父未行已前許嫁右驍雄軍健李元慶未受財禮阿鄭知父神佐陣沒遂與李元慶休親截髮往慶州北懷安鎮收亡父遺骸到兗州瑕丘縣進賢鄉與亡母合葬訖便於塋內築廬

北夢瑣言

脩奉太廟奏

光啟元年三月書門下

伏以前年冬月有震俄然巡幸主司宗祝迫以倉惶移蹕鳳翔未敢陳奏今將迴鑾輅皆舉典章清廟再營孝思式備伏請降勅命委所司參詳典禮脩奉

唐會要

要十

建造武成王廟奏

天祐二年八月十日書門下

遷都以來武成廟猶未置立今仍請改爲武成王選地建造其制度配享皆准故事

唐會要二十三

按全文所收是年九月置武明王廟奏文雖畧同與此當別蓋八月建議置立九月始以避朱全忠

父諱改成為明貞元中常去王字定為齊太公廟
故文中有仍請改為武成王句

進監生郭應圖等狀奏

天祐三年
國子監

得監生郭應圖等六十人狀稱伏觀今年六月五日
勅文應國學與諸道等明經一例解送兩人者應圖
等早辭耕稼夙慕詩書自拋鄉邑之中便忝國庠之
內棲遲守學輒軻于時未諧昇進之期却抱減退之
患苟或諸道解送監府同條實謂首尾難分本枝無
異伏請聞奏俾遂渥恩者

册府六百
四十一

考試及格舉人奏

天祐三年
河南府

當府取解明經舉人周定言等二十七人各據取解
差司錄參軍崔蘊考試並已及格伏緣明經舉人先
准勅諸州府解送不得過二人者今當府除去留外
見在二十七人考試並已及格若只送二人必恐互
有爭論難以指揮者

同上

唐文拾遺卷之五十八

唐文拾遺卷之五十八

榮祿大夫三品頂戴前分巡廣東高廉道加四級臣陸心源輯

闕名 六

李從立三廟奏 開平二年四月
月中書門下

萊國公李從合於西都選地建立三廟以備四仲祠

祭仍令度支供給祭料 五代會
要五

南郊服色奏 開平三年十一月
南郊禮儀使

今檢許禮文皇帝赴南郊服通天冠絳紗袍登玉輅
法駕鹵簿自清遊隊已下諸衛將軍平巾幘緋兩襜
大口袴錦滕蛇銀隱起金帶刀弓箭飲飛執旗人引



駕三衛並武弁緋兩襜大口袴供奉官并武弁服色各一人步從餘文武官及導駕絳衣平巾幘餘並戎服准式近侍導駕官自三引車從本縣令州府御史大夫卽朝服各乘輅車前導其引駕官員不總備車輅自中書令侍中已下則公服內諸司使並常服內人服色禮文不載五代會要二

留官俸修文宣王廟奏

開平三年十一月國子監

修建文宣王廟請率在朝及天下見任官俸錢每貫尅留一十五文五代會要十六

監生出給光學文鈔并納光學錢奏

開平五年正月五日

國子監

當監舊例初補監生有束脩錢二千及第後光學錢一千竊緣當監諸色舉人及第後多不於監司出給光學文抄及不納光學錢祇守選限年滿便赴南曹參選南曹近年磨勘選人並不收監監司光學文抄爲憑請今後欲准往例應諸色舉人及第後並先于監司出給光學文抄并納光學錢等各有所業等第以備當監逐年公使五代會要十六

請勿幸東都奏

開平五年二月宰臣等

龍興天府久望法駕但陛下始康念未宜涉褻願少

留清蹕冊

冊皇后儀奏

同光元年四月太常禮院

准制以此月十三日行皇后冊禮今檢詳臨軒命使冊皇后舊儀皇后廟見如納后之儀受冊後合別定廟見日其日皇后乘重翟車鹵簿鼓吹儀仗前導

又朝謝皇帝儀奏

同上

謹按開元禮臨軒冊皇后皇后表謝朝皇太后並如納后之儀不載朝謝皇帝之禮準納后儀則皇帝服衮冕降迎於門恐禮太重今詳酌其日常服御內殿皇后首飾禕衣尙儀引入至殿庭階間再拜訖如常

儀五代會要卷一

停罷不急朝官奏

同光元年十一月書門下

諸寺監各請只置大卿監少卿監祭酒司業各一員博士兩員其餘官屬並請權停唯太常寺事關大禮大理寺事關刑法除太常博士外許更置丞一員其王府及東宮官屬司天五官正奉御之類凡不急司存並請未議除授其諸司郎中員外郎應有雙曹處且置一員左右散騎常侍諫議大夫給事中起居郎起居舍人補闕拾遺各置一半三院御史仍委御史中丞條理申奏即日停罷朝官仍各錄銜名具罷任

月日留在中書候見任滿二十五日並據資品却與除官五代會要二十

正衙對見奏同光二年正月四日四方館

常朝諸職員多有參雜今後除隨駕將校外方進奉使文武兩班三品已上官可於內殿對見其餘並詣正衙以申常禮五代會要六

停廢儀仗使奏同光二年三月

儀仗法物使李肅是偽梁置此使額使令主持又無考限況主持法物各有本司請准舊停廢五代會要二十四

淮瀆廣潤廟樹連理奏同光三年三月

淮瀆廣潤王廟前有兩樹東西相去七尺五寸其樹各出地七尺五寸兩樹相向連理畫圖以進五代會要卷五

錄送史館事件奏同光二年四月

本朝舊例中書并起居院諸司及諸道州府合錄事

件報館如右時政記中書門下錄送起居注左右起居兩省

轉對入閣待制刑曹法官文武兩班上封章者各錄一本

送天文祥變占候徵驗司天臺逐月錄報并每月供

官錄報并諸道蕃客朝貢使至鴻臚寺勘風俗衣服貢

合畫圖申送蕃客朝貢使至鴻臚寺勘風俗衣服貢

本國王四夷人役來降表狀中書錄報露布兵部錄

名錄報四夷人役來降表狀中書錄報露布兵部錄

陷虜殺級數并變改音律及新造曲調

所因由錄報變改音律及新造曲調

太常寺具錄

所因并樂詞

卷五十八

牒報法令變革斷獄新議赦書德音刑部逐季具詳斷

刑獄昭雪冤濫大理寺逐季牒報州縣廢置及孝子順孫義

夫節婦有旌表門閭戶部報有水旱蝗蟲雷風霜雹戶部

報封建天下祠廟叙封進封邑號詞司封京百司長

官刺史以上除授文官吏部錄報諸色宣勅門下中

逐月王公百官定諡考功錄行狀并諡議宗室任官

課績并公主出降儀制宗正寺刺史縣令有灼然政

績者本州官錄申應碩德殊能高人逸士久在山野

著述文章者本州縣不以官秩勘問應中外官薨亡

請諡許本家各錄行右乞宣下有司條件施行五代

狀一本申送

八十

請廢北都宗廟奏同光二年六月十日太常禮院

國家興建之初已於北都置廟今尅復天下遷都洛

陽於此立宗廟按禮無二廟之文其北都宗廟請廢

五代會要卷二

許諸道辟舉職員奏同光二年八月八日中書門下

諸道除節度使及兩使判官除授外職其餘職員并

軍使判官伏以剋車著詠菱帛垂文式重弓旌以光

樽俎由是副知己之薦成接士之榮必當備悉行藏

習知才行先奉幕中之畫以稱席上之珍爰自偽梁

頗乖斯義皆從除授以佐藩宣因緣多事之秋慮爽
得人之選將期推擇式示更張今後諸道除節度副
使判官兩使除授外其餘職員并諸州軍事判官等
並任本道本州各當辟舉其軍事判官仍不在奏官
之限五代會要二十五

按全文九百六十九所收任諸藩奏辟軍事判官
奏無式示更張以上一百十餘字而未多所冀招
延之禮云云四句

重定州縣等官俸料奏

同光三年二月十五日租庸院

諸道州縣官并防禦團練副使判官等俸料各據逐

處具到事例文帳內點檢舊來支遣則例錢數不等
所給折支物色又加錢數不定難為勘會今除東京
管內州縣官見支手支課錢且依舊外其三京併諸
州於舊日支遣錢數等第重定則例兼切循本朝事
體防禦團練副使判官外其餘推官已下職員皆是
本處自要辟請圓融月俸贍給亦乞依舊規繩省司
更不支給錢物謹具如後五代會要二十八
支給副使以下俸料奏同光三年二月十九日租庸院
新定四京及諸道副使判官已下俸料請降勅各下
逐處支遣兼除所置副使判官掌書記推官外如本

處更妄稱簡署官員卽勅本道節度使自備請給不得正破係省錢物

五代會要二十七

慮刑獄遲留奏

同光三年六月二十一日大理寺

准獄例諸立春已後秋分已前不得奏決死刑違者徒一年今寺司相次有案牘若准律文候秋分後申奏必慮刑獄遲留者

五代會要卷十

太祖曹皇后定諡奏

同光三年八月

據禮儀使狀準禮及故事太常少卿定諡太常卿署定訖告天地宗廟伏準禮文賤不得誅貴子不得爵母后必諡于廟者受成于祖宗今皇太后諡請太常

卿署定後集百官連署諡狀訖讀于太祖武皇帝室然後差丞郎一人撰冊文別定日命太尉上諡冊于西宮靈座同日差官告諡于天地太微宮宗廟如常告之儀

五代會要卷一

曹太后定諡告廟奏

同光三年九月

大行皇太后諡讀于廟太祖武皇帝室其日合集兩省御史臺五品以上尚書省四品以上官于太廟序立俟行告禮畢中書省班首一人升階詣太廟武皇帝讀訖奏聞別擇日上諡冊於西宮靈座及祭告天地宗廟

全上

貞簡皇后不宜葬代州奏

同光三年十月中書門下

伏以人君以四海為家不當分南北洛陽是帝王之宅四時朝拜理須便近不能遠幸代州今漢朝諸陵皆近秦雍國朝陵寢布列京畿後魏文帝自代遷洛之後園陵皆在河南兼勅應勳臣之家不許北葬今魏氏諸陵尚在京畿附葬代州理為未允

五代會要卷四

天成元年太常禮院

臣謹按開元禮以賓禮待番客有六一番國王來朝二戒番王見日三番王奉見四受番使表及幣五宴番國王六讌番國使從開元定禮之後本朝故事對

諸番客又並於內殿引對其殿名曰參殿事在禮賓使客省使不下外諸司見今施行不一今例惟迴鶻番使則正殿引對況迴鶻見居甘州其地又屬河西道涼州所管每遣使進表幣待以賓禮皇帝御正殿列百官鋪陳盛儀酌禮沿情事恐太重伏請今後准諸番客例祇於內殿引對不臨正朝兼免乖越又符故事謹具詳酌如前

五代會要三十

參詳引對番客奏

天成元年六月十日御史臺

伏觀今月三日入閣班退後方引對朝貢番使竊觀近制頗失常儀且月華門是宰相兩省近侍官常朝

來往之所外國番國朝見不合出此門而又殿廷班
序先退比者列其百辟示彼四夷俾觀多士之羽
儀以顯九重之嚴重豈可眾官退後番客方來合自
正門直趨丹陛此是向來事例今辰忽有更張竊以
方屬中興宜循舊典伏乞宣付中書門下重令參詳
永為定制同

使相納禮錢奏

天成元年十二月二十三日中書

伏准故事應諸道節度使凡帶平章事宜於中書都
堂上事禮絕百寮等威無異刊石紀壁以列名姓事
係殊恩慶垂後裔舊例赴鎮後合納禮錢一千貫充

中書兩省公使伏自近來全隳往例今皇綱再整墜
典咸修合舉成規冀將集事臣等商量今請諸道藩
鎮帶平章事處各納禮錢五百千中書建立石亭子
一所鐫紀宰臣使相爵位姓名授上年月其所納錢
請充中書修建公署及添置都堂內鋪陳什物五代會要

三十

越訴斷罪輕重奏

天成二年二月十五日御史臺刑部大理寺

奉天成元年十二月二十日勅越訴之條本防虛妄
須用懲斷以絕效尤如或實抱深冤無門上訴其越
訴律內不載杖數仍令大理寺別具奏聞者寺司准

名例律諸斷罪而無正條若或不經臺省何得復讐
 事在酌中理難執律其應出律者則舉重以明輕其
 應入罪者則舉輕以明重疏云斷罪而無條謂一部
 律內犯無罪名者准雜律不應得為而為者笞四十
 謂律令無條理不可為者事理重者杖八十疏云雖
 犯輕重觸類宏多金科玉條苞羅難盡其在律在
 令無有正條若不輕重相明無文可以比附臨時處
 斷量情為罪庶補遺闕故立此條其情輕者笞四十
 事理重者笞八十

五代會要卷九

追尊四廟改置園陵奏

天成二年中書門下

伏以兩漢以諸侯王入繼帝統則必易名上諡廣孝
 稱皇載於諸侯故事孝德皇孝仁皇孝元皇是也伏
 乞聖慈俯從人願許取皇而薦號兼上諡以尊名改
 置園陵仍增兵衛

五代會要卷二

納夏秋苗子斛斗奏

天成二年六月二十九日戶部

先准天成元年五月十五日勅檢納夏秋苗子斛斗
 每斗祇納一斗官中納不收耗人戶送納之時如有
 使官布袋者每一布袋使百姓納錢八文內五文與
 擎布袋人餘三文卽與倉使充吃食鋪襯紙筆盤纏
 若是人戶出布袋令祇納三文與倉司

五代會要二十七

李琪新授僕射上事奏

天成二年八月
中書門下

據新授尚書右僕射李琪狀准舊例上事日合有恩賜百官酒食具載開元禮文者尋下太常禮院檢開元禮祇有從太師已下至六部尚書太常卿太子詹事諸衛大將軍京兆河南牧上州刺史受冊拜廟各就本司禮上無中書門下送上之文亦無恩賜酒食之事又檢禮閣新儀並不載諸品大臣上事禮例唯僕射初上見羣僚輕重之禮唯元和六年御史中丞竇易直奏七年尚書左丞段平仲奏大和元年中書奏覆下太常禮院并尚書省詳議終未能定大凡禮

上為領本司公事及與官僚相會并授人吏參賀內外無異前後皆同李琪尋會羣僚不稱新授已領公事已請料錢更引上儀即非通制今請李琪任便赴省發遣公事今後文武兩班受恩命者不計高卑未領事不得擅落新授事及便請料錢內廷學士中書舍人不在此限

五代會要十四

解送監生奏

天成三年
國子監

請國子監每年祇置監生二百人自後更與諸道相次解送至十月三十日滿數為定又請頒下諸道州府各置官學如有鄉黨備諸文行可舉者錄其實

申報監司方與解送但一身就業不得影庇戶門兼
太學書生亦依此例不得因此便取公牒輒免本戶
差役又每年於二百人數內不繫時節有投名者先
令學官考核其學業深淺方議收補姓名冊府六百二十
縣令兩稅徵科公事奏
天咸三年二月二十三日中書
應天下縣令逐年夏秋兩稅徵科公事伏以縣令之
職徵賦爲先若違限逋懸自有罰責如及期了畢不
謂功勞況今無彊名之科徭絕虛係之稅額百姓據
見苗輸納官中指限期期蓋緣每及徵科事歸煩擾
未容輸納已切催驅州郡則推勘吏人縣邑則禁繫

人戶雖云提舉責在徵求動涉旬時固須妨事縱入
期限倍困黎民自今後請祇委主簿縣令勾當不得
更置監徵每一州之中止限畢日委錄事參軍磨勘
取最後逋欠縣分具令佐名銜申三司使舉奏明行
責罰其所欠稅額如是本道長吏及判官衙內節級
并形勢莊田不伏縣司徵督者縣令即須自經本州
論列如依前不納便可直申三司責罰之時以定輕
重其縣令到官之初須准近勅交割戶口帳籍至授
替之時比較多少如或增多即量加酬獎致逋竄則
別示科刑所冀賞罰不涉於過差公務率歸於修舉

其本判官都孔目官糧料使等職固不在親人公事
止於提舉每至徵科之日皆須一例獎勵或有徵督
逋縣令佐獨當之伏請今後凡是徵科畢日比較功
過只歸令佐如是一郡之內諸縣皆及期程公事修
舉其錄事參軍亦請量加甄獎如管內諸縣併有關
遺其錄事參軍亦請量加責罰

五代會要十九

劉英甫請對經義奏

天成三年二月禮部貢院

當司據鄉貢九經劉英甫經中書陳狀請對經義九
十道以代舊格帖經奉堂判令詳狀處分者當司伏
准格文九經祇帖九經書各一十帖并對春秋禮記

口義各一十道今准往例並不曾有應排科講義九
經若便據送到引試排科講義即恐有違格例者

五代會要二十九

冬至百寮表賀儀注奏

天成三年十月二十一日中書

冬至日文武百寮詣東上閣門拜表稱賀儀注前一
日所司于閣門外量地之宜設中書令捧表位禮部
郎中押表案位及文武常參官位如常儀其日文武
百寮依時刻俱詣閣門外列班如式次通事舍人贊
引中書門下入就位立定典儀曰再拜應在位官俱
再拜訖禮官通事舍人引中書令詣奉表位禮部郎

中取表授中書令跪受復置於案其案禮部令前導
至位中書令搢笏捧表跪授閣門使跪捧表側立候
中書令退歸本班立定典儀曰再拜應在位官俱再
拜舞蹈三稱萬歲又再拜訖閣門使捧表以進次閣
門使宣答出詣中書門下班前曰有勅典儀曰再拜應
在位官俱再拜宣曰履長之慶與卿等同之宣訖典
儀曰再拜應在位官俱再拜舞蹈三稱萬歲又再拜
訖相次退如常式右太常禮院狀准禮例修撰如前
案開元八年中書奏冬至一陽生萬物潛動所以自
古聖帝明王皆此日朝萬國觀雲物禮之大者莫踰

是時其日祀圜丘皆令攝官行事質明既畢日出視
朝有國已來更無改易若親拜南郊受朝須改因勅
自今已後冬至受朝永爲常式至永泰二年十一月
詔冬至令有司祭南郊于含元殿受朝賀至建中二
年勅宜以冬至日受朝賀正元四年中書侍郎李泌
奏冬至受朝賀請准元日中書令讀諸方表勅旨宜
依准六典殿中侍御史凡冬至元正大朝賀升殿者
伏以天運四時節分二至陰勝則臣道熾陽盛則君
德興且一家之尊祭先祖畢受子孫之賀豈萬國之
主祀圜丘止臣下之朝宜按舊章以光令節冬至日

望准本朝前後明勅處分

五代會要卷五

朝官具三代名諱一度奏

天成三年十二月十日中書門下

朝官每遇待制不計度數具三代名諱奏聞伏以臣子之道資忠孝以爲先祖考之名形翰墨而非異初升朝者不可有缺久在諱者何必更然日日赴朝不處疏遠之地時時待制忍煩嚙感而書况屢瀆於天聰且無益于時政宜更往例別示新規今後自外任除朝官者仰具三代名諱一度聞奏仍付所司其久在班者每遇待制不令更通三代名諱

五代會要卷六

撰太祖莊宗實錄奏

天成三年十一月史館

據左補闕張昭狀嘗讀國書伏見懿祖昭烈皇帝自元初之初獻祖文景皇帝於大和之際立功王室陳力國朝太祖武皇自咸通後來勤王戮力剪平多難類立大功三換節旄再安京國莊宗皇帝親平大憝奄有中原儻闕編脩遂成湮墜伏請與當館脩撰撰序條綱撰太祖莊宗實錄者伏見前代史館歸於著作國初分撰五代史方委大臣監脩自大厯後來始奏兩員脩撰當時選任皆取良能一代之書便成于手其後源流失緒波蕩不還冒當脩撰之名曷揚褒貶之職及乎編脩大典卽云別訪通才况當館職在編

脩蓋令撰述

五代會要十八

賜朝臣茶藥奏

天成四年五月四日度支

准勅中書門下奏朝臣時有乞假觀省者欲量賜茶藥奉勅宜依者切緣諸班官班省使不見品秩高低兼未則例難議施行各令據官品等第指揮文班左右常侍諫議給事舍人諸行尚書太子賓客諸寺太卿國子監祭酒詹事左右丞諸行侍郎宜各賜蜀茶三斤起居拾遺補闕侍御史殿中監察御史左右庶子諸寺少卿國子監司業河南少尹左右諭德諸行郎中員外郎太常博士宜各賜蜀茶二斤蠟面茶二

斤草豆穀百枝肉豆穀五十枝青木香一斤半國子博士五經博士兩縣令著作郎太常宗正殿中丞諸局奉御大理正太子中允洗馬左右贊善太子中舍司天五官正宜各賜蜀茶二斤蠟面茶一斤草豆穀五十枝肉豆穀五十枝青木香一斤武班左右金吾上將軍左右諸衛上將軍宜各賜蜀茶三斤蠟面茶二斤草豆穀一百枝肉豆穀一百枝青木香二斤左右諸衛大將軍左右諸衛將軍宜各賜蜀茶二斤蠟面茶二斤草豆穀一百枝肉豆穀五十枝青木香一斤半左右率府副率宜各賜蜀茶二斤蠟面茶一斤

草豆穀五十枝肉豆穀五十枝青木香一斤五代會要十二

條流租稅諸般錢穀奏天成四年五月五日戶部

三京鄴都諸道州府逐年所徵夏秋稅租兼鹽麴折徵諸般錢穀等起徵條流如後四十七處節候常早大小麥麩麥豌豆五月十五日起徵八月一日納足正稅匹帛錢鞋地頭推麴蠶鹽及諸色折料十月五日起徵至八月二十日納足河南府華州耀陝絳鄭孟懷陳齊棣延兗沂徐宿汝申安滑漢澶襄均房雍許邢洛磁庸隨郢蔡同鄆魏汴潁復鄆宋毫蒲等州二十三處節候差晚隨本處與立兩等期限二十三處州郡

未見一十六處較晚大小麥麩麥豌豆六月一日起徵

至八月十五納足正稅匹帛地頭錢鞋推麴蠶鹽及諸色折料六月十一日起徵至八月二十五日納足幽定鎮滄晉隰慈密青鄧淄萊邢靈慶衍七處節候尤晚大小麥麩麥豌豆六月十日起徵至九月納足正稅匹帛錢鞋推麴錢等六月二十日起徵至九月納并潞澤應威塞軍大同軍振武軍五代會要卷二十五明堂致齋舊儀奏天成四年九月太常禮院來年二月十八日致齋於明堂准舊儀皇帝服通天冠絳紗袍文武五品已上者袴褶陪臣近例祇著朝

服五代會要卷二

命婦上表皇后不報答奏

長興元年
中書門下

其諸道節度使上表賀皇帝其在朝外命婦所上皇后表章進呈訖不下令報答自此不便進表皇子妻駙馬公主及近密親舊或有慶賀及進起居章表內中委人主掌進呈後祇宣示來使並不下令五代會要四

命婦表賀奏

長興元年五
月太常禮院

皇后今月十四日受冊准舊儀外命婦並合赴皇后受冊正殿門外就次俟受冊訖司賓引入就位奉賀今未有命婦院請准例上表賀同上

命婦賀皇后稱殿下奏

長興元年五
月太常禮院

按儀制今百官上疏於皇后曰皇后殿下中外臣寮外命婦慶賀祇呼殿下不言皇后同上

上皇后章表請呼皇后殿下奏

中書覆奏
年月同上

據太常禮院狀若祇呼殿下恐未合宜至如舊制皇太子亦呼殿下若無分別何顯尊卑凡上皇后章表內請呼皇后殿下若不形文字尋常並呼皇后同上

磨勘李範趙知遠奏

長興元年七
月吏部南曹

磨勘南郊行事官前守濮州范縣主簿李範是同光二年不納告身人數准勅終身不齒今又負名於四

方館行事前河南府長水縣主簿趙知遠使兄爲父
廕行事者冊府六百三十八

武功百姓劫縣科斷奏長興元年九月西京

武功縣百姓三千餘人持白棒入縣亂擊人吏分劫
縣庫稅錢公廨什物尋差兵士捉到結集首領武功
鎮將跌跌疏等三十二人各招本罪稱縣令薛文玉
以大竿尺檢田所以眾心難抑其跌跌准法科斷文
玉罰七十直主簿李彥柔罰五十直並勒停冊府七百七

詳覆進士雜文奏長興二年中書門下覆奏

奉敕新及第進士所試雜文委中書門下細覽詳覆

方具奏聞不得輒徇人情有隳事體中書於今年四月二十九日帖貢院准元勅指揮中書商量具詳覆者李飛賦內三處犯韻李穀一處犯韻兼詩內錯書青字寫清字並以詞翰可嘉望特恕此誤今後舉人詞賦屬對並須要切或有犯韻及諸雜違格不得放及第仍望付翰林別撰律詩賦各一首具體式一一曉示將來舉人合作者卽與及第其李飛樊吉夏侯珙吳油王德柔李穀等六人盧價賦內薄代字合使平聲字今使側聲字犯格孫澄賦內御字韻使字字已落韻又使膺字是上聲有字韻中押售字是去聲

又有朽字犯韻詩內田字犯韻李象賦內一句六石
慶兮合使此奚字道之以禮合使此導字及錯下事
常字韻內使方字詩中言十千十千處合使平聲字
偏字犯韻楊文龜賦內均字韻內使民字以君上爲
駮駢之士失奉上之體兼善字是上聲今押編字是
去聲如字內使輿字詩中偏字犯韻師均賦內仁字
犯韻晏如書晏如又河清海晏又字不合韻又無理
晏字卽落韻楊仁遠賦內賞罰字書伐字銜勒字書
鍼字詩內蓮莆字合著平聲字兼黍梁不律王谷賦
內御字韻押處字上聲則落韻去聲則失理善字韻

內使顯字犯韻如字韻押殊字落韻其盧價等七人
望許令將來就試仍放在取文解高策賦內於字韻
內使依字疑其海外音訛文意稍可望特恕此其鄭
朴賦內言股肱詩中十千字犯韻又言玉珠其鄭朴
許令將來就試亦放取解仍自賓貢每年祇放一人
仍須事藝精具此張文寶試士不得精當望罰一季
俸今後知舉官如敢因循當行嚴典冊府六百四十二
幕府等官定限奏長興二年二月
月中書門下
准天成四年六月二十日勅使准舊例以三年爲限
其上尹上佐官以二十五月爲限府縣官准長定格

以三十月爲限其行軍副使兩使判官已下賓僚及防禦團練副使判官推官軍事判官並宜以三十箇月爲限如是隨府不在此限

五代會要二十五

覆崔琮請置病囚院奏

長興二年四月中書

有罪當刑仰天無恨無病致斃沒地有寃燃死灰而必在至仁照覆益而須資異鑒書著欽哉之旨禮標例也之文固彰善於泣辜更推恩於扇暘所請置病囚院望依仍委隨處長吏專切經心或有病囚當時差醫人診候治療後據所犯輕重科斷如敢固違致病囚負屈身亡本屬官吏並加嚴斷兼每及夏初五

日一度差人洗刷柳匣

冊府

換給告身多有違碍奏

長興二年五月二十六日中書

吏部南曹狀申准敕換給諸色官員告身公憑伏緣點檢選人歷任文書中其間多有違碍事節若旋具姓名申覆竊恐人數繁多互有陳論遂成壅滯當曹不敢施行者

五代會要二十一

京城請射空地造屋事例奏

長興二年六月八日左右軍巡使

諸廂界內多有人戶侵占官街及坊曲內田地蓋造舍屋又不經官中判押憑據廂界不敢懸便止絕切恐久後別有人戶更於街坊占射轉有侵占不惟窄

狹兼恐久後反致人戶爭競近日人戶係稅田地多被軍人百姓作空閑田地便立封疆修築牆壁占射又無判押憑據及本主或有文契典賣兼云占射年深或有稅額及無稅空閑攔恡不令修蓋以此致有爭競廂界難以止絕者其在京諸坊曲應有空閑田地先降勅命許人戶請射蓋造及見種蒔公私田地如是本主自有力便令蓋造屋若無力卽許人請射修蓋自後□次諸色人陳狀委河南府勘逐如實是閑田及不侵占官街然後指揮劈畫交付今所稱諸色人侵占街坊及於見有主稅地內占射蓋造必慮

有妨車牛過往及恐百姓互爭議論須定規繩各令稟守京城應天街內有人戶見蓋造得屋宇外此後並不得更有蓋造其諸坊巷道兩邊當須通得車牛如有小街巷亦須通得車馬來往此外並不得輒有侵占應諸街坊通車牛外卽日或有越眾迥然出頭牽蓋舍屋棚閣等並須畫時毀拆仍據攔截外具留街道闊狹尺丈一一分析申奏此後或更敢侵占不計多少宜委地分官司量罪科斷其街道內除水渠外不得穿掘取土若已有穿掘各勅逐地分人戶速速填平京城內諸坊曲除見定園林池亭外其餘種

卷五十八
三
蒔及充菜園并空閑田地除本主量力自要修造外
並許人收買見定已有居人諸坊曲內有空閑田地
及種蒔并菜園等如是臨街堪蓋店處田地每一間
破明間七椽其每間地價宜委河南府估價收買除
堪蓋店外其餘若是連店田地每畝宜定價錢七千
更以次五千其未曾有蓋造處宜令御史臺兩街使
河南府依已前街坊地分劈畫出大街及逐坊界分
各立坊門兼挂名額先定街巷闊狹尺丈後其坊內
空閑及見種田苗并充菜園等田地亦據本主自要
量力修蓋外並許諸色人收買修蓋舍屋地宅如是

臨街堪蓋店處田地每一間破明間七椽其每間地
價亦委河南府估價准前收買除堪蓋店外其餘連
店田地每畝宜定價錢七千以次近外每畝五千更
以次三千未有人買處且勒仍舊遠僻處或欲置菜
園任取穩便兼應本主所留諸色人置到田地等並
限三箇月內修築蓋造須見次第仍不得兩處收買
田地其地祇許修造宅院并其間小小栽植竹木外
不得廣作園圃及種植田苗仍令御史臺常加覺察
如有故違仰具姓名申奏當行嚴斷其所置田地如
是本主種田苗及見菜園候收刈及冬藏畢方許交

割據交割日限後修蓋其已定田地內所有苗稅等
宜令據畝數出除其所買田地除本主自要修蓋外
有合賣數目如妄託形勢輒有逗留分外邀頡固心
占恡者許買地人經臺論訴勘逐不許所犯之人當
行重斷其地仍准價例畫時交與所買之人其所買
賣田地仍令御史臺委本處巡按御史旋給與公憑
仍免稅契右宜令御史臺兩街使河南府專切依次
第劈畫曉示或有利便亦可臨時詳奪奏聞

五代會要二十

李玘五選集奏

長興二年七月吏部南曹

前守鄆州盧縣令李玘曾兩任秘書丞一任國子毛
詩博士雖前任有升朝官今任合准格五選集

五代會要

二十

越杭福潭等州亦相次升為都督府望以十都督府為額仍據升降次第以陝為首餘依舊制五代會要十九

定四大都護額奏長興三年四月 月中書門下

據十道圖有大都護除單于北庭等府久不置外今具員內節度使中見有兩員外守安北都護安東都護今請祇以四大都護為定額仍以安東大都護為首五代會要二十四

武成廟從祀英賢設遵豆奏長興三年五月禮院

禮院檢郊祀錄釋奠武成王廟中祀例祭以少牢其配座十哲見今行釋奠之禮伏自喪亂已來廢四壁

英賢之祭今准帖為國子博士蔡同文奏武成王廟四壁英賢請各設一豆一爵祀享者當司今詳郊祀錄武成王從祀諸英賢各遵二實以粟黃牛脯豆二實以菜菹鹿醢簠簋各一實以黍稷飯酒爵一禮文所設無一豆一爵之儀五代會要卷三

修撰功臣列傳奏長興四年正月十一日史館

當館先奉勅修撰功臣列傳元奏數九十二人館司分配見在館官員修撰其間亦有不是中興以來功臣但據姓名便且分配修撰將求允當須在品量其間若實是功臣中興社稷者須校其功勳大小德業

輕重次第纂修排列先後今請應不是中興以來功臣汎將行狀送館者若其間事有與正史實錄列傳內事相連絡者則請令附在紀傳內簡畧書出其無功於國無德於人但述履行身名或述小才未伎儻無可以垂訓者並不在編修之限伏以自有史傳以來歷代咸有著述皆存定制不可更張如前漢止述蕭曹絳灌之流後漢但書寇鄧耿賈之例並同翼戴咸共匡扶爵號功臣先爲列傳其餘宗室外戚文苑儒林游俠逸人循吏酷吏之屬名目甚衆各有篇題並隨其次第撰述其大惡大善之人有善若周孔夷

齊惡若敦立莽卓亦各特爲著撰不附傳紀編修或爲世家或爲列傳蓋欲取監前代垂則後人不可雷同請令區別其功臣未納到行狀者館司見更催促候到卽更分配修撰大凡行狀皆是門人故吏叙述多有虛飾文華今請此後所納行狀並須直書功業不得虛文飾詞其已納到行狀合著撰者仍請委修撰官略其浮辭採其實事五代會要十八修史規程奏長興四年正月十一日史館當館承前修史事例應合編錄文書分配在館修撰直館官員逐人紀述內修撰一員充判館事自餘修

撰外應館中著述及諸色公事都專主專監修宰臣
通判前修撰直館等其間勤恪者著述不閑怠惰者
自因循度日祇藉館中馭厯以資身事進趨或別除
官或因出使便將自己分合撰史籍送付後人後人
效尤依前懈惰積叠不了公事爲弊滋多須設規程
庶無曠敗謹具起請如左自判館修撰已下見充職
及此後充館請以二周年爲限據在職館中文書繁
簡逐季分配纂修如月未滿公事未闕卽當館給與
公憑仍旋申中書門下請別商量其職限內遇本官
本省署有遞遷請不妨其序進卽請令依前充職終

其月限並請不許未終職限特更除官如職限滿有
公事未了不計幾月請不別與除官及差使并與遞
遷本官其曠職甚者仍請量事殿罰如據所分配文
書修撰外別能採訪得皇后功臣事實及諸色合編
集事著撰得史傳堪入國史者請量其課績別加酌
獎如當館於職限滿官員中籍令充職者則旋具奏
聞乞就加陞陟應此日已來曾充館職配過文書除
丁憂官員則請與均分代修撰其未了別除官者所
欠文書不計多少並與令本官修撰速須了畢其今
日已前曠惰之過特乞矜容起今後若更將已前未

了公事遷延不速修撰了者則別具奏聞仰候聖裁
五代會要十八

正押衙設省職奏長興四年正月三司使

當省有諸道鹽鐵轉運使額職員極多見有左右都押衙及客司通引今欲從正押衙設省職為轉遷之序正押衙同押衙衙前兵馬使討擊副使衙前虞候衙前子弟者五代會要二十四

試舉人定制奏長興四年二月十六日禮部

今後試舉人日請令皇城司公幹人於省門外聽察叫呼稱屈及知貢院有倖門者引赴皇城司勘問如

是的實虛妄請嚴加科斷兼今年放榜後及第人畢便綴行五鳳樓前列行舞蹈謝恩訖赴國學謝先師然後與知貢舉相識期集祇候勅命兼過堂及過樞密院又舊例侵晨張榜後知貢院官及考試官已下便出請今年張榜後知貢舉官并考試官至晚未奉勅宜令勅下後於朝堂謝恩即赴國學其試舉人日宜令御史臺差人聽其放榜日知貢舉官送出自此永為定制及第舉人過樞密院宜不施行五代會要二十三
別鑿洛河引漕船奏長興四年三月三日三司
洛河水運自洛口至今往來牽船下卸皆是水運牙

官每人管定四十石今洛岸至倉口稍遠牙官運轉
艱難近日例多逃走今欲於洛河北岸別鑿一灣引
船直至倉門下卸其工欲於諸軍傭人內差借五代會要
二十
七

判官考校州縣獎罰奏長興四年
五月中書

准天成元年五月二十七日勅諸使府兩稅徵科詳
斷刑獄校官吏考課合是觀察判官專判其一州諸
縣徵科糾轄提舉合是錄事參軍本職今後觀察判
官錄事參軍校量所屬州縣官吏據每年徵科程限
刑獄斷遣戶口增減據州縣申報子細磨勘詣實然

後於本官牒內據事件收豎如官吏考課一一事實
其判官錄事參軍後考滿日並與酬獎別加職任如
考課不實亦行殿罰如有水旱災傷處許奏聽勅旨

冊府六百
三十六

太子諸王見師傅禮奏長興四年七月
三日太常寺

奉勅詳定太子諸王見師傅禮如左一准開元禮皇
太子與師傅保相見前一日尉衛設次於宮門外道
西南向伶官展軒懸於庭其日諸衛所部屯門列仗
典謁設師傅保位于西階之西東向三少位次之少
退俱東向北上師傅保及三少至宮門通事舍人引

卷五十九
六
帥傅保就次左庶子奏中嚴伶官師工人入就位通事舍人引師傅保及三少立于正殿門西差退俱東向左庶子奏外辦皇太子著從省服以出侍衛如常承和樂作至東階下西向立樂止通事舍人引師傅保及三少樂作就位樂止皇太子再拜師傅以下答拜若三少見時則三少先拜通事舍人引師傅以下出樂作出門樂止左庶子跪奏稱臣某言禮畢一又准禮閣新儀皇太子受冊後前二日尙舍設次于崇明門外南向又設師傅保中書門下文武百官東西相向以北爲上宮臣及皇親陪其後次左庶子奏外

備中官褰簾皇太子常服出次南向立侍從如常儀次中書門下就北向位再拜訖禮官贊皇太子再拜訖中書門下班首一人前進賀訖復位再拜皇太子答賀訖又再拜皇太子揖中書門下訖相次退通事舍人禮贊皇太子再拜師傅等少避位訖師傅爲班首者一人進賀訖復位再拜皇太子答賀訖又再拜皇太子揖師傅退出內侍奉引皇太子就座南向座訖通事舍人引文武宮臣三品以下入就北向重行異位立定奉禮曰再拜訖左庶子一人進跪具官臣某等言賀訖復位皆再拜各班東西序立奉禮曰再

拜在位官皆再拜訖左庶子少前跪奏具官臣某言
 禮畢近侍垂簾皇太子降座宮臣侍衛仗散如儀一
 准會要貞觀十七年上謂房元齡曰太子三師以德
 導人者也若師禮卑則太子無所取則於是詔令撰
 三師儀太子出殿門迎先拜三師三師各拜每門讓
 三師坐太子乃坐與三師書前名惶恐後名惶恐再
 拜右據太常禮院狀謹檢開元故事禮閣新儀及會
 要分析如前其師傅見親王不同皇太子見師傅臣
 請師傅親王對拜揖各退

逐年書考校優劣奏五代會要卷四
長興四年九月尚書考功

今年五月中翰林學士程遜所上封事內請自宰相
 百執事外鎮節度使刺史應係公事官逐年書考校
 其優劣以前件考課究尋臺閣深遠歲年若議與行
 宜憑往制具申中書門下宰臣判設官分職各有所
 司本司自合將條格故實參詳更檢尋遠勅條奏定
 為悠久緣本司公事遂檢尋唐書六典會要考課令
 書考第冊府六百三十六
 見天下兵馬大元帥禮奏長興四年九月尚書門下
 秦王加天下兵馬大元帥自歷朝以來無天下兵馬
 大元帥公事儀注或專一面之權或總諸道之司其

儀注規程之事條目載詳故實未見明文臣等謹沿近事伏見招討使總管兼受副使已下橐鞬庭禮今望令諸道節度使已下凡帶兵權者見元帥階下具軍禮參見皆申公狀其使相者初相見亦以軍禮一度已後客禮相見應天下諸軍務公事元帥府行指揮其判六軍諸衛事其行公牒往來其元帥府所置官屬補授軍職則委元帥奏請五代會要二十四

祧遷獻祖奏應順元年正月

太常以大行山陵畢祔廟今太廟見享七室高祖太宗懿祖昭宗獻祖太祖莊宗大行升祔合祧遷獻祖

請下尚書省集議五代會要卷二

御明堂比正至奏清泰元年四月

太常以五月朔御明堂受朝三日夏至祀皇地祇前日奏告獻祖室不坐比正至是日有祀事則次日受朝今祀在五鼓前質明行禮畢御殿在始旦後請比例行之五代會要卷五

冊拜王公車輅法物奏清泰元年六月

據太常禮院申冊拜王公如在京城所司備鹵簿車輅法物皇帝臨軒行冊禮如在外鎮正衙命使押冊赴本州行禮車輅法物故事不出都城禮無明文今

制命幽州趙德鈞封北平王青州房知温封東平王
皆備禮冊命其合用車輅法物在兵部太常太僕寺
請載往本州行禮後送納本司五代會要卷四

竊盜議定贓罪奏

清泰元年九月大理寺

所用法書竊盜條准建中年贓滿三匹已上決殺不
及三匹量情決杖本朝以量情之文不定詔御史中
丞龍敏等議贓滿三匹准舊法一匹已上決徒一年
半一匹已下量罪以杖大理寺又以量罪之文不定
申奏集寺重議今議定贓滿一匹徒二年不及一匹
徒一年半不得財杖七十五代會要卷九

請差官詳議循資格奏

清泰元年九月吏部三銓

所用循資格先經詳定然自次府司錄參軍已下無
品第入官處尋帖格式參詳添入又以地卑不敢添

注請差官詳議

冊府六百三十三

前任節度使綴班奏

清泰元年十一月御史臺

前任節度防禦團練使刺史行軍副使近儀五月一
日內殿起居皆綴班序立元係班簿雖曰便殿起居
其遇全班起居時亦合綴班五代會要卷六

朝拜諸陵奏

清泰二年正月宗正寺

北京永興長寧建極三陵應州遂衍奕三陵准曹州

溫陵例下本州府官朝拜雍坤和嶽四陵太常宗正卿朝拜

五代會要卷四

明宗魏皇后上諡奏

清泰二年二月

臣聞漢昭帝承祚御歷奉尊諡于雲陽魏明帝繼體守文思外家于甄館而皆追崇嶽稱祔饗朝廷克隆敬本之文式叶愛親之道臣等又覽國史竊見元宗皇帝母曰昭成皇后竇氏代宗皇帝母章敬太后吳氏始嬪朱邸俄闕元宮鴻圖既屬于明君尊號咸追于聖母伏以魯國夫人發祥沙麓貽媿河洲三母最賢周母允成于天統四妃有子唐后先啟于帝基仰

惟當此之情彌軫寒泉之思久虛殷薦慮損皇猷臣等謹上尊諡曰宣顯皇太后請依昭成皇太后故事擇日備禮冊命又臣等伏聞先太后舊陵永祔先祠則都下難崇別業既追尊諡合祔闕宮按漢朝故事園寢不在王畿或就陵所更立寢祠今商量上諡後權立享廟以申告獻配祠之禮請俟他年

五代會要卷一

避御名上一字奏

清泰二年五月

御名上一字與諸王相連按太宗元宗廟故事人臣

諸王合避相連字改從單

五代會要卷四

試進士依舊例奏

清泰二年九月

奉長興二年二月勅進士引試早入晚出今請依舊例進士試雜文并點門入省經宿就試

五代會要要二十二

科目事宜奏

清泰二年九月禮部貢院

奉長興元年勅進士五經九經明經五科童子外諸色科目並停緣由有明算道舉人今欲施行又奉長興三年正月勅每落第舉人免取文解今後欲依元勅格請並再取解十月十五日到省畢違限不收又奉天成四年勅諸色舉人入試前五日納試紙用中書印印訖付貢院司緣五科所試場數極多旋印紙鑱宿內中書往來不便請祇用當司印

五代會要二十二

明堂受朝大事不坐奏

清泰二年十二月太常禮院

來年正月元日合御明堂受朝賀其日上辛祀昊天上帝於南郊依禮大事不坐

五代會要卷五

請詳酌現行法律奏

清泰三年中書門下

刺史位列公侯縣令為人父母只合倍加乳哺豈可自致瘡痍一昨張宗胥吏訟論合當極典法司據律罪止徒流向來此法極嚴纔可存其軀命卽一二十年不復還鄉却緣近日赦宥稍頻遷易所數致其冤物不顧嚴刑臣竊惟立法稍嚴則人不敢犯其見行法律望下所司更加詳酌

冊府六百一十三

今古服制令式不同奏

清泰三年二月太常禮院

據尚書兵部侍郎馬縞上疏言古禮嫂叔無服蓋推而遠之案五禮精義貞觀十四年魏徵等議親兄弟之妻請服小功五月今所司給假差謬為大功九月太常博士段禹稱自來給假元依令式若云違古不獨嫂叔一條舊為親姨服小功令式今服大功為親舅舊服小功今服大功妻父母總服今服大功為女婿為外甥總服今並服小功此五條在令式與古不同未審依馬縞所奏為復且依令式

封贈三代降等奏

天福二年四月月中書門下

五代會要卷八

准二月二十六日勅內外臣寮亡父母祖父母據品秩未封贈者與封贈已封贈三代更加恩命按舊制一品官亡父已上三代約其子官品等降一等亡母追封國號祖母已上第降一等

五代會要十四

宣示赦書德音奏

天福二年四月中書

准翰林志凡赦書德音立后建儲行大誅討拜免三公宰相命將制書並使白麻書不使印雙日起草候開門鑰入而後進呈至隻日百僚立班于宣政殿樞密使引案自東上閣門出若拜免宰相即便付通事舍人餘付中書門下並通事舍人宣示若機務急速

亦使雙日甚速者雖休假亦追班宣示

五代會要十三

買賣使八十陌錢奏

天福二年七月十二日度支

三京鄴都並諸道州府市肆買賣所使見錢等每有條章每陌入十文近訪聞在京及諸道街坊市肆人戶不顧條章皆將短陌轉換長錢但恣欺罔殊無畏忌若不條約轉啓俸門請更嚴降指揮及榜示管界州府鎮縣軍人百姓商旅等凡有買賣並須使八十陌錢兼令巡司廂界節級所由點檢覺察如有無知之輩依前故違輒將短錢與販便仰收促委逐州府柳項收禁勘責所犯人准條奉處斷訖申奏其錢盡

底沒納入官

五代會要二十七

選差馬步判官奏

天福二年九月吏部

長興四年五月五日勅應諸道州府都虞候司判官先指揮令於州縣前資之中簿尉判司之內選差勾當二年行有廉謹理無黨偏卽委本道奏聞請行酌獎者近日馬步判司多是差攝官充馬步判官奏薦須於前資正官判司簿尉中精選明練公法行端正者方可任使滿二周年後無遺闕者與減三選仍委本道州府一例給與公憑如只欠三選已下者仍便給與文解赴選今日已前有前資正官充馬步判官

並准此所有諸道州府應今日已前已差攝試官充馬步判官勾當已及三年無遺闕者亦宜令本州府給與公憑仍便申奏更四年後給與文解赴選比擬初官其今日已前攝試官見充職有過一周年者宜令待滿二年日准上處分如未及一周年者宜令逐道州府勅到後便別差前資正官停替不在給與公憑者偽清泰二年三月二十四日勅停廢前資攝正官充馬步判官前件勅已經封鎖不行者冊府六百三十三
按冊府作清泰三年九月五代會要二十一所收節文作天福二年九月今考其年月當以會要爲

正

謝賀上表准貞元制奏

天福二年十月
月中書門下

按禮閣新儀正元二年十月七日御史臺奏每月慶賀及諸上表並合上公行之制可今後凡有謝賀上表望並准元勅上公行之如三公闕令僕已下行之中書門下別貢表章

五代會
要卷四

職事官覲省及給裝束假奏

天福二年十一
月中書門下

按六典尚書吏部凡職事官應覲省及稱病不得過程謂身有疾病滿百日若所親疾病滿二百日及當時解官申省以聞其應待人材用灼然要藉驅使者

得帶官侍養及准雜令諸外官援給裝束假去所授
 官一千里內者四十日二千里內者五十日三千里
 內者六十日四千里內七十日過四千里八十日並
 除程其假內欲赴任者聽之若有事須早還者不用
 此令若京官身先在外者裝束假減外官之半五代會要

二十
 改更漏刻錯誤奏天福三年二月司天臺

臣等准漏刻經云漏刻之制起自軒轅所以上揆天
 時下著人事是故日行有南北晷漏有長短以黃道
 去極之度而求漏刻日移之變夫中星晝夜一百刻

分爲十二時每時有八刻三分之一假令符天以六
 十分爲一刻一時有八刻二十分四刻十分爲正前
 四刻十分爲正後二十分中必爲時正上古以來皆
 依此法自唐室將季黃巢犯京既失舊經漏刻無准
 伏以見行漏刻自午初四刻元稱已時已入未時猶
 打午正若不改更終成錯誤今欲每時初打一刻至
 四刻後正時刻牌打八刻終一時後一時卻從初起
 卽上同往古下驗將來奉勅宜依令本司集寮屬討
 定奏聞者臣等據諸家歷數及太霄論漏刻等經皆
 以晝夜百刻分爲十二時每時有八刻三分之一凡

一時宜打一刻起於時初八刻終於時正近取到水
 秤較驗方知見行漏刻差誤假令以午刻為例從午
 時五刻上行作午時一刻侵至未時四刻始滿八刻
 方終午時此則午未兩時中各取半合為一時也自
 日出後至日入以來時刻皆如此例相侵伏乞改正
 從時初打一刻至四刻後進正牌八刻終為一時後
 時却從初起時辰自正晷漏無差五代會要卷十
 按全文所收中無奉勅云云十五字故分而為二
 會要合為一首

日變依舊禮奏

天福四年七月庚子朔中書門下

謹案舊禮日有變天子素服避殿太史以所司救日
 于社陳五兵五鼓五麾東戟南牙西弩北楯中央置
 鼓服從其位百職廢務素服守司重列于廷每等異
 位向日而立明復而止今所司法物咸不能具去歲
 正旦日蝕唯謹藏兵仗皇帝避正殿素服百官守司
 今日欲依舊禮施行五代會要卷十
 製皇帝受命寶奏天福三年六月
 准勅製皇帝受命寶今按唐貞觀十六年太宗文皇
 帝刻之玄璽白玉為螭首其文曰皇帝景命有德者

昌五代會要十三

韓延嗣合斬奏大福三年八月大理寺

左街韓延嗣為百姓李延暉衝者本街使連喝不住
歐擊致死准律鬪歐者原無殺心因相鬪歐而殺者
依故殺人者斬其韓延嗣准律合斬刑法統類節文
從刑決重杖一百處死五代會要卷九

旌表門閭令式奏天福四年閏七月尚書戶部

李自倫義居六世准勅旌表門閭當司元無令式祇
先有登州義門王仲昭六代同居其旌表有廳事步
欄前列屏樹烏頭正門闊闊一丈二尺一柱相去一
丈柱端安瓦桶漆黑號烏頭築雙闕一丈柱烏頭之

南三丈七尺夾街十有五步槐柳成列今舉此為例
又不載令文准王仲昭正廳烏頭門等事既非故實
恐紊彝章宜從令式祇表門閭於李自倫所居之前
量地之宜高其外門安綽楔門外左右各建一臺高
一丈二尺廣狹方正稱臺之形坊以白泥四隅染赤
行列樹植隨其事力同籍課役一准令文五代會要十五
按全文九百七十五所收請定旌表門閭式議與
此不同

時政記付史館奏天福四年十一月史館

按唐長壽二年右丞姚璹奏帝王謨訓不可闕文其

仗下所言軍國政事令宰臣一人撰錄號時政記至
唐明宗朝又委端明殿學士撰錄逐季送付史館伏
乞遵行者宜令宰臣一員撰述五代會要十八

重定正冬朝會奏

天福四年十二月太常禮院

勅約開元禮重定正冬朔會按開元禮三品以上升
殿羣臣在下請泐近禮依內宴列坐據開元禮稱賀
後皇帝戴通天冠服絳紗袍百官朝服侍坐解劍履
于樂府之西北今京邑新造殿廷隘狹請皇帝冠烏
紗巾服赭黃袍百寮具公服俟朝堂宏敞卽舉舊儀
二舞鼓吹熊羆之樂工師樂器等事因久廢不可卒

備請且設九部樂用教坊伶人

五代會要卷五

公主出降廢書函禮奏

天福五年二月太常禮院

長安公主以三月出降按唐德宗朝禮儀使顏真卿
議婚用誕馬在禮無文周禮諸侯以璋聘女禮云玉
以此德今請駙馬都尉加以璋郡主之壻加元纁以
代用馬書函之禮出自近代事無正經請廢之勿用

五代會要卷二

縣令犯賊連坐府州奏

天福五年六月二十日詳定院

准刑法統類大中二年正月勅天下州府官吏犯賊
皆遞相蒙蔽不肯發明縱有申聞百無一二自今後

管內縣令有犯贓事發州府不舉者連坐錄事參軍
錄事參軍有贓犯刺史不舉者連坐刺史刺史有贓
犯事發觀察使不舉連坐廉使又准大中二年二月
十七日刑部起請今後縣令有犯贓錄事參軍不舉
錄事參軍奏聽勅旨臣等參詳設縣司本典知情並
同罪告事人放三年租稅差徭仍將放免數卻配蓋
藏罪其錄事參軍不舉者請減縣令所犯罪二等五代會要
二十

正冬二節朝會舊儀制度奏

天福五年七月詳定院

先奉勅正冬二節朝會舊儀禮節樂章二舞行列等

事宜差太常卿崔悅御史中丞竇貞固刑部侍郎呂
琦禮部侍郎張允興太常寺官一一詳定今檢討典
經具述制度按禮云天子以德爲車以樂爲御大樂
與天地同和又曰安上治民莫善於禮移風易俗莫
善於樂書云夫樂在耳曰聲在目曰容聲應乎耳可
以聽知容藏于心難以貌覩故聖人假於羽旄以表
其容發揚蹈厲以見其意聲容和合則大樂備矣又
按義鏡問鼓吹十二按合於何所答曰周禮鼓人掌
六鼓四金漢朝乃有黃門鼓吹崔豹古今注云因張
騫使西域得摩訶兜勒一曲李延年增之分爲二十

卷五十九
三
八曲梁置鼓吹清商令二人唐又有搖鼓金鉦大鼓
長鳴歌簫笳笛合爲鼓吹十二按大享會則設於懸
外此乃是設二舞及鼓吹十二按之由也今議一從
令式排列教習文舞郎六十四人分爲八佾佾八人左
手執籥禮云葦籥伊耆氏之樂也又周禮籥師教國
子爾雅曰籥如笛三孔而短大者七孔謂之產歷代
以文舞所用凡用籥六十有四右手執翟周禮所謂
羽舞也書曰舞于羽于兩階翟山雉也以雉羽分析
連攢而爲之二人執纛前引數於舞人之外文舞冠
進賢冠服黃紗袍白紗中單阜領標白練襜褕白布

大口袴革帶烏皮履白布鞮武舞郎六十四人分爲
八佾左手執干干楯也今之旁牌所以翳身也其色
赤中畫獸形故謂之朱干周禮所謂兵舞取其武象
用楯六十有四右手執戚戚斧也上飾以玉故謂之
玉戚二人執旌前引旌似旗而小絳色畫升龍二人
執鼗鼓二人執鐸周禮有四金之奏其三曰金鐸以
通鼓形如大鈴仰而振之金鐸二每鐸二人舉之一
人奏之周禮四金之奏其一曰金鐃以和鼓鑄銅爲
之其形圓若碓頭上大下小高三尺六寸有六分圍
二尺四寸上有伏虎之形旁有耳獸形銜環二人執

鏡以次之周禮四金其二曰金鏡以止鼓如鈴無舌
 搖柄以鳴之二人執相在左禮云理亂以相狀如小
 鼓用皮爲表實之以糠拊之以節樂二人執雅在右
 禮云訊疾以雅以木爲之狀如漆箭揜口大二圍長
 五尺六寸以羊皮鞞之旁有二紐髹畫殿辭而出以
 器築地明行不失節武舞人服錦平巾幘金支緋絲
 布大袖緋絲襖襜甲金飾白練褹襜錦騰蛇起梁帶
 豹文大口布袴烏皮鞞工二十數在舞人之外武弁
 朱鞞革帶烏皮履白練褹襜白布鞞殿廷加鼓吹十
 二案義鏡云常設氈案以氈爲牀也今請製大牀十

二牀容九人眠作歌樂其牀爲熊羆虎豹騰倚之狀
 以承之象百獸率舞之意分置於建鼓之外各三案
 每案羽葆鼓一大鼓一金鐃一歌二人簫二人十二
 案樂工一百有八人舞一百三十有二人取年十五
 已上弱冠已下容止端正者充其歌曲名號樂章詞
 句請中書條奏差官修擇五代會要卷六
 大行升祔奏天福七年七月太常禮院
 國朝見享四廟靖祖肅祖睿祖憲祖今大行皇帝將
 行升祔按會要唐武德元年立四廟于長安至貞觀
 九年高祖神堯皇帝崩命有司詳議廟制議者以高

祖神主併舊四室禘廟今先皇帝神主請同唐高祖
升禘五代會要卷二

上高祖謚冊差官祭告奏晉天福七年八月書門下

山陵禮儀使狀高祖尊號謚及廟號伏准故事將啓
殯宮前擇日命太尉率百僚奉謚冊告天於園丘畢
奉謚冊跪讀於靈前此累朝之制蓋以天命尊極不
可稽留今所上高祖聖文章武明德孝皇帝尊謚寶
冊伏緣去洛京地遠寶冊難以往來當司詳酌伏請
祇差官往洛京祭告南郊太廟其日中書門下文武
百官立班中書令侍中升靈坐前讀寶冊行告謚之

禮今從敕牒所司擇日申請官員行事伏請奏聞宣

下者五代會要卷一

諸倉納耗本色折錢奏天福八年五月十五日三司

天下今後諸倉請據人戶元納耗二升內一升依舊
送納本色充備鼠省耗折一升即令人戶送納價錢
兩文足與元納錢八文足共十一文足充備倉夫斗
袋人夫及諸色吃食紙筆鋪襯盤纏支費五代會要二十七
司封合行事件奏天福十二年九月尚書司封
當司合行事件如後皇太后三代祖母並追封國太
夫人皇太子三代外祖母宗室郡國王曾祖亡母亦

追封國太夫人中書門下二品及平章事在朝正一品官使相曾祖母祖母亡並追封國太夫人如母在叙母為國太夫人妻為國夫人已上並在東宮一品中書施行尚書省二品不帶平章事留守節度使祖母並許追封郡太夫人止如母在叙封母為郡太夫人妻為郡夫人止如曾任皇朝將相已經追封三代祖父母及已封國太夫人者依舊施行東宮二品西班二品尚書省三品御史大夫中書門下侍郎太常卿亡母並追封郡太夫人止如母在叙封為郡太夫人妻為夫人止如任皇朝將相已經追封三代兩代祖父母及

已封國太夫人者依舊施行應致仕官如未致仕日曾任五品已上正官封者與據品秩施行嫡母正室許封叙如非嫡繼叙封進封內加大字母歿追封亦加大字故云存歿並同若是父在據勅格不載為母加大字之文若以近勅因子貴與父命官父自有官即妻從夫品可以封妻父在不合以其子蔭加母太字若雖有因子之官其品尚卑未得蔭妻叙封亦不合用子蔭之限五代會要十四按此首後五行自叙封進封內加大字以下九十餘字見全文九百七十五封母加大字議

錄事見全文八百五十五條
封北首對正侍自森
合供于廟之則
聖德錄百國千之官其品尚卑未得
昭襄翁夫品可也性妻父存不合以其
有捷冷破我敵雖殊性異性內賦太宰
日徒國太夫人善始善終



唐文拾遺卷之六十

榮祿大夫三品頂戴前分巡廣東高廉道加四級臣陸心源輯

闕名

寺監攝官五年方理選數奏開運元年十二月

司寺監若無私不合一例差署攝官况自前元無勅
命指揮又不曾具名奏聞其太常寺太祝奉禮逐季
祇應祠祭行事不可缺人其太常寺已差攝官滿五
年者宜比三傳出身其餘諸司寺監今日已差攝官
滿五年者宜比明經出身今既稱已年滿者各委本
司一月內具所差年月鄉貫三代申奏下中書追引

本司差攝文牒及親公事文書點檢不虛奏覆勅下後方理選數仍給與優牒候合格日赴選如攝太常寺太祝奉禮有已滿三年已上者亦許一齊奏過候滿五周年准前事例施行其餘諸司寺監攝未滿五周年者不在施行兼今後諸司監不得更差攝官其太常寺如正官數上宜許差前資判司主簿及黃衣選人充仍先具姓名申奏取裁不得充原額人數所攝一任限周年為滿每年與減一選候罷攝日准前給與優牒候本選合格日執優牒赴選五代會要十七

吏部郎中主判祠祭行事官奏開運三年六月西京留司監察

使

以祠祭所定行事官臨日或遇疾病或奉詔赴闕留司稟勅已遲乞以留司吏部郎中一人主判有缺便依次第定名庶無缺事五代會要卷四

朝拜義惠康昌四陵奏開運三年七月八日中書門下

太常禮院狀得宗正寺牒今年八月擇日朝拜諸陵今太卜署擇用八月十二日庚午告北京義惠康昌四陵准天福二年七月勅宜就昌陵都朝拜其朝拜官以本府上佐官充行事禮料亦准上供備同上

父在母封加太字奏乾祐元年七月尚書省

准敕書節文在朝文武臣寮父母在者並與追封內
有父在見任官母合敘封否中書帖吏部廢置司令
具新舊勅例父在見守官得承子蔭加恩及父在母
敘封追封合加太字事例甲上吏部廢置司以前後
格勅內祇言父母許與加恩即不說父在見守官及
前任得承子蔭加恩例司封以檢詳前後勅例凡母
皆加太字在歿並同即不說父在不加太字近例有
中書舍人艾穎于天福五年十二月任殿中侍御史
父在繼母李封縣君不加太字尙書司門郎中伊偃
天福八年三月任尙書倉部員外郎父在母宋封縣

君不加太字 五代會要十四

審改考牒奏 乾祐二年四月 中書門下

准吏部南曹鑠宿內選人中有契丹會同年號歷子
解山考牒未審合各令改就天福年號為復別有指

揮 五代會要十七

儀仗奏 乾祐三年八月 殿中省

當司儀仗車駕都洛京時所差至今管係逐年分番
祇候執擎儀仗昨京兆府奏依平戶例差使伏恐忽
有大禮無人供應 五代會要十六

追謚四廟所議未同奏 廣順元年正月 中書門下

太常禮院議日合立太廟室數若守文繼體則魏晉有七廟之文若創業開基則隋唐有四廟之議聖朝體通禮追謚四廟伏恐所議未同請下百官集議

會要卷二

南曹選人兵火散失公憑奏

廣順元年二月吏部三銓

去年冬南曹判成選人三百八十一人十一月二十二日兵火散失磨勘了歷任文字或有送納文書未抄及取到南曹失墜公憑銓司若依格例磨勘恐選人訴論今欲祇舉南曹失墜給到公憑便與施行

會要十一

縣令兼諸陵令丞不便奏

廣順元年五月宗正寺

准諸陵故事有令丞各一員近令丞不置便委本縣令兼之今緣河南洛陽是京邑恐兼令丞不便伏候

勅旨

五代會要卷四

左右屯衛請復舊名奏

廣順二年十月御史臺

唐景雲二年改左右屯衛為威衛又唐高宗名治改治書侍御史為御史中丞諸州治中改為司馬蓋臣子避君父名也請諸衛中書舊是屯衛者復舊名

會要十一

犯罪人依格令處分奏

廣順三年二月書門下

今後應犯竊盜賊及和姦者並依晉天福元年已前條制施行應諸處犯罪人等除反逆外其餘罪並不得籍沒家產及誅骨肉一依格令處分請再下明勅頒示天下

五代會要卷九

製天子八寶奏 廣順三年二月有司

按唐六典符寶郎掌天子八寶其一曰神寶其二曰受命寶其神寶方六寸高四寸六分厚一寸七分蟠龍紐文與傳國寶同傳國寶秦始皇帝以藍田玉刻之李斯篆文方四寸面文曰受命于天既壽永昌紐盤五龍二寶歷代相傳以為神器又別有六寶一曰

皇帝行璽二曰皇帝之璽三曰皇帝信璽四曰天子行璽五曰天子之璽六曰天子信璽此六寶因文為名並白玉螭虎紐歷代相傳亡則補之北朝鑄之以金至則天朝以璽字涉嫌改之為寶正觀十六年別製立璽一坐其文曰皇天景命有德者昌白玉螭虎紐同光中製寶一坐文曰皇帝受命之寶晉天福四年製寶一坐文曰皇帝神寶其同光天福二寶內司製造不見紐象并尺寸製度 五代會要十三

除授節度使等正衙辭謝奏 廣順三年三月御史臺

應除授節度使防禦團練使刺史行軍副使等近日

不到正衙辭謝多稱別奉宣旨勅今後此色蔭除宜
令閣門告報勒正衙辭謝如有宣放辭謝閣門具姓
名分明投御史臺四方館

五代會要卷六

鳳翔府考帳違限不收奏

廣順三年三月尚書考功

當司所納諸道考課文帳准格每年十月二十五日
已前考帳到京如違格限本處官吏各行殿罰其鳳
翔府自廣順元年十月九度移文爲考帳全不詳認
格條遂申中書門下請勘今鳳翔府稱違格限二十
餘日已決罰官典申到考帳當司准格違限不收
別府

六百三十六

勘韋城鎮將趙應等發冢掘井奏

廣順三年五月開封府

趙應與僧智欽鎮民陳元濟二十人同謀發冢掘井
妄稱羅漢聖口誑惑閭閻希求財物逐人勘責並招
妖妄其錢各人已分張藏匿

冊府九百二十二

園邱制度奏

廣順三年九月太常禮院

准勅定郊廟制度洛陽郊壇在城南七里丙巳之地
園邱四成各高八尺一寸下廣二十丈再成廣十五
丈三成廣十丈四成廣五丈十有二陛每節十二等
燎壇在泰壇之丙地方一丈高一丈二尺濶上南出
戶方六尺請下所司修奉

五代會要卷二

修奉社稷壇奏 廣順三年九月太常禮院

社稷制度社壇廣五丈高五尺色土築之稷壇制度如社壇之制度社壇石主長五尺方二尺剡其上方其下半根在土中四垣華飾每神門屋三間一門門二十四戟四隅連飾累如太廟之制中可樹槐准禮左宗廟右社稷在國城內請下所司修奉 五代會要卷三
修奉洛京廟室奏 廣順三年九月太常禮院
准洛京廟室一十五間中分為四室兩頭有夾室四神門每門屋三間每門戟二十四別有齋宮神厨屋宇准禮左宗廟右社稷在國城內請下所司修奉 五代

會要卷三

祇祭禮料見行事件奏 顯德五年閏七月一日御史臺

諸司寺監逐季請到祇祭禮料幣帛脚錢等於宗正寺監祭使與本寺官同掌候至日供應逐季所祭享郊壇祠廟並是禮部差官具名銜牒報監祭使大祠前七日起尙書省受戒誓如其日有官不到具名銜申奏申堂前三日致齋前二日請道引赴祠所中祠不受戒誓前二日致齋前一日請道引赴祠所小祠不受戒誓候吏部牒到獻官名銜監祭使點檢封記印禮料并諸司祇應人等發牒差驅使官管押赴所

交割逐祠祭諸司赴郊壇所等至午時與公卿行事
官立班告潔省牲點饌畢給付大官令監厨造饌至
來日五更於壇所食饌畢行事點檢有食饌祭器不
精應奉有缺其本司人吏量罪責罰郊壇太廟宰臣
攝太尉行事至受誓戒及赴祠廟日監祭使具錄公
卿行事官名銜申迎班狀應行事官未受誓戒前牒
陳有故請假並是吏部別差官行事如受誓戒後及
致齋之內有官陳牒有故請假監祭使差次官通攝
行事祠齋前一日日本寺按閱申堂如至行事日音律
樂官祇應前公卿等並聽別勅指揮諸祠祭有同日

享祀監祭使具狀申御史中丞請差官祀若是無官
可差監祭使牒大常博士通攝如缺太常博士監祭
使通攝祠祭行事公卿官員職掌等每至冬寒請柴
炭太常禮院差禮生請給監祭使監散

五代會要卷四

甲庫見行公事奏

顯德五年閏七月吏部甲庫

見行公事甲庫先有專知官一人於長興二年停廢
後來於令史內選差一人承受主管諸雜制勅及逐
季抄錄關報史館所有選人受官黃甲備錄關送吏
部出給告身及具名銜關牒送格式收附員闕准格
出給

五代會要二十二

漕運水陸行程奏

顯德五年閏七月度支

當司漕運水陸行程制陸行馬日七十里步及驢五十里車三十里水行泝流舟之重者汴河日三十里江四十里餘水五十里空舟汴河日四十里江五十里餘水六十里泆流之舟輕重同制河日一百五十里江一百里餘水七十里其三峽砥柱之類不拘此限若遇風水淺不得行者聽折半功河南河北河東關內等四道諸州運租庸雜物等脚每馱一百斤一百里一百文山阪處一百二十文車載一千斤九百文從黃河及潞河自幽州運至平州每十斤泝流十

六文泆流六文餘水泝流十五文泆流五文從澧荆

等州至揚州四文其山阪險難驢少處每馱不得過

一百五十文平易處不下八十文有人員處兩人分

一馱其運向播黔等及涉海各在本處量定

五代會要十五

祠祭合供芹韭等五件奏

顯德五年閏七月司農寺

奉勅節文刪集見行公事送中書門下者當寺每年

季冬祠祭合供使芹韭菁葱葵菹等五件准例至泚

藏之時牒三司支給寺司請領藏泚准例一冬供應

五代會要十六

定府縣各官料錢停廢俸戶奏

顯德五年十一月

諸道州府縣官及軍事判官一例逐月各據逐處主
戶等第依下項則例所定料錢及米麥等取顯德六
年三月一日後起支其俸戶竝停廢一萬戶已上縣
令逐月料錢二十千米麥共五石主簿料錢一十二
千米麥共三石七千戶已上縣令逐月料錢一十八
千米麥共五石主簿料錢一十千米麥共三石五千
戶已上縣令逐月料錢一十五千米麥共四石主簿
料錢八千米麥共三石三千戶已上縣令逐月料錢
一十二千米麥共四石主簿料錢七千米麥共三石
不滿三千戶縣令逐月料錢一十千米麥共三石主

簿料錢六千米麥共二石五萬戶已上州司錄事參
軍及兩京司錄每月料錢二十千米麥共五石司戶
司法每月料錢一十千米麥共三石三萬戶已上州
司錄事參軍每月料錢一十八千米麥共五石司戶
司法每月料錢八千米麥共三石一萬戶已上州司
錄事參軍每月料錢一十五千米麥共四石司戶司
法每月料錢七千米麥共三石五千戶已上州司錄
事參軍每月料錢一十二千米麥共四石司戶司法
每月料錢六千米麥共二石不滿五千戶州司錄事
參軍每月料錢一十千米麥共三石司戶司法每月

料錢五千米麥共二石諸司軍事判官一例每月料錢一十千米麥共三石右諸州府京百司內諸司府縣官課戶莊戶俸戶柴炭紙筆戶等望令本州及檢田使臣依前項指揮勒歸州縣候施行畢具戶數奏聞仍差本州判官精細點數後差使臣覆視及有人論訴稱有漏落抵罪在本州判官及干係官典如今後更有人戶願充此等戶者便仰本州勒充軍戶配本州牢城執役五代會要二十八

舊徵光省禮錢及蠲免錢數狀

天成元年九月二十五日門下

中書

兩省

准舊例檢校官合納光省禮錢伏見尙書省檢校官禮錢近降勅命除翊衛勛庸藩垣將佐其餘不帶平章事節度使及防禦團練刺史諸道副使郎中已下并三司職掌監院官縣令錄事參軍判官等凡闕此例並可徵收者伏緣省官舊例別無錢物祇徵禮錢以充公廨破使蓋值雜亂致失規繩卽目縱有檢校官未奉勅命許令依舊徵理其檢校左右散騎常侍乞依尙書省除翊衛勳庸藩垣將佐外並許徵收所冀朝廷故事免失於根源省閣舊儀長存於規制謹具本朝元徵舊例錢數乞奏聞者中書約本省舊徵

禮錢及蠲減錢數如左防禦團練刺史諸道郎官三
司職掌檢校左右散騎常侍舊例各納錢一十五千
今減外各納錢五千兩府及次府少尹左右司馬別
駕長史舊例各納錢十千減外各納錢四千諸道將
校舊例納錢五千減外各納錢三千都押衙至大將
各納錢五千減外各納錢二千五百進奏官各納錢
二千其餘都頭指揮使已下並與免放五代會
要十三
州府勾帳委使專按狀建中元年
四月比部
天下諸州及軍府赴勾帳等格每日諸色勾徵令所
由長官錄事參軍本判官據案狀子細勾會其一年

勾獲數及勾當名品申比部一千里已下正月到二
千里已下二月到餘盡三月到盡省司檢勘續下州
知都至六月內結數關度支便入其年支用旨下之
後限當年十二月三日內納足者諸軍支使亦准此
又准大歷十二年六月十五日勅諸州府請委當道
觀察判官一人每年專按覆訖准限比部者自去年
以來諸州多有不到今請其不到州府委黜陟使同
觀察使計會勾當發遣申省庶皆齊一法得必行唐
會
要五
十九

覆推勘盜賊致死狀

長興二
年中書

今後凡關賊徒若推勘因而致死者有故以故殺論無故減一等如拷次因增疾患候驗分明如無他故雖辜內致死亦以減等論

選差勾當吏部甲庫狀

冊府六百一十三
長興二年閏五月十九日吏部

當司制勅甲庫專知官一例近停廢者伏緣當司主掌制勅甲庫與三庫不同常日檢尋諸司取證稍有差繆所失非輕無人主持必虞敗闕今欲於吏部令史內選差一員勾當又緣公事至重仍遣別不執行他事兼乞除本役外特與減二年勞考者

每月公案祇錄狀勅狀

五代會要十四
天福五年六月二十七日大理寺

當寺自前每月公案一道除斷狀外須全寫三本內一本申奏一本送刑部一本下本道者伏緣近年諸處公案併多寺司常慮淹延况所行斷遣案文此謂舉明條法况本道已有元推公案固不煩備錄施行今欲祇錄斷狀連勅頒宣亦不礙於規矩况刑部大理寺亦是已有具案元祇以斷覆詞降勅歸司其諸道元推司今欲乞准刑部例祇降斷狀連勅施行所貴將來免滯刑獄

五代會要十六

南曹見行條件公事狀

顯德五年閏七月吏部流內銓

銓司先准格例南曹十一月末開宿判成選人後先

具都數申銓司舉狀便榜示選人引納京諸司官使
印家狀及試判紙三度榜引得齊足方至十二月上
旬內定日鑱銓者銓司若候南曹十月內開宿引納
家狀慮成淹滯今後纔南曹鑱宿後先榜示選人預
納家狀其合保文狀或識官司使印限開曹後兩日
內赴銓送納須得齊足如限內不納到家狀保狀試
紙人便具姓名落下不在續納之限據納到文狀至
十月二十二日已前鑱銓先准格例鑱銓後便榜示
引驗正身告赤文書三引共九日如三度引不至者
便落下銓司今後鑱銓日便牒示選人至次日引驗

正身及告赤文書限三日內三引畢如不到者便落
下每年南曹判成選人中多有託故不赴銓引銓司准
格例伺候須及三引計九日不至者方始落下今後
有此色人逐引不到便據姓名落下先准格諸色人
三引畢後齎使印保狀赴銓併合保後令錄重引驗
合保審其才術者銓司欲三引後次日重內引驗令
錄其才術及合保如限內不至者據姓名落下銓司
引驗後本行准格勅及將銓狀歷任告赤文書限三
日內點檢無違礙具姓名關報試判注擬所有選人
歷任有於未注官已前寫帖送過院選人所合注使

員缺鑱銓後便具狀申中書門下乞降指揮應選人
試判今欲鑱銓內預准勅於中書省請印到逐人試紙
候點檢畢開報名銜齊足此日便定日試判三場次
日申奏後限兩日內供納宣黃次日乞降可否勅命
銓司自前注擬諸色選人准格三注每注注內有不
伏官者限三日內具狀通退三注共九日者銓司自
今後第一第二注榜出後各限次日內具通官文狀
便具姓名落下第三注畢日開銓不在開通官之限
三注共五日准格銓司逐年二月二十五日送門下
省畢三月十五日過官畢三月三十日進黃移省畢

三擬畢後省申案便於格式內逐旋覆闕入官過院
修寫省歷至十月十四日已前牒送門下省畢銓司
門下省押定牒到取兩日祇候取判過堂次日乞降
可否堂帖其黃甲限四日內修寫句勘印署至十二
月六日牒送門下省至十二月九日進黃畢所有衙
謝對敷在格眼內應行內諸司公事或有干繫申銓
取裁銓司便准勅格指揮如銓司難議裁酌卽申堂
取裁五代會要
二十一

三公上儀約開元禮爲儀注議元和六年
十月禮官

按開元禮有册拜官上議初上者咸與卑官答拜今

左右僕射皆册拜官也令准此禮爲定伏尋今之所
行儀注其非典禮之文又無格勅爲據斯乃越禮隨
時之法有司尋合釐正豈待議而後革也伏以開元
禮者其源太宗創之高宗述之元宗纂之曰開元禮
後聖于是乎取則其不在禮者則有不可以傳今僕
射初上受百寮拜是舍高宗元宗之祖述而背開元
之正文是有司失其傳而又云禮得無咎哉今既奉
明詔詳定宜守禮文以正之議者或云致敬之禮或
有三品拜一品四品拜二品如之致敬則先拜所以
下文云丞相令助教拜博士卽今丞及助教必先拜

之是也非不答拜何者禮記云大夫士相見貴賤不
敵主人敬客則先拜客客敬主人則先拜主人是謂
致敬又曰非國君無不答拜者鄭元注曰禮尙往來
又曰君子士不答拜非其臣則答之鄭元注曰不敢
臣人之臣今令僕射不答拜是臣其百僚不亦重乎
又按漢制八座及丞郎初拜官並集都堂交禮僕射
八座也又無不答之文伏以左右僕射舊左右丞相
也次三公答拜而僕射受之固非倫也且約三公上
儀及開元禮而爲儀注庶幾等威之序允歸至當之

論唐會要
五十七

憲廟配享議 會昌六年 都省議

伏以憲宗皇帝元德英猷邁越千古神機睿算恢復四荒既戮惠琳聯誅關錡眷求良輔果集大勳乃覆淮蔡之妖巢刈河朔之餘孽皇威震耀寰宇和寧偃武修文幾無遺事陛下崇嚴享禮爰軫孝思將舉元勳以顯丕績臣等伏以故司徒兼中書令贈太師裴度天縱公忠道宏匡濟始處司言之任屢陳憂國之誠嘗因別召深得聖旨乃貳邦憲使于藩方處嫌疑者盡付心誠懷顧慮者必得腰領俄升相位專任大事遂乃擒元濟梟師道承宗効順劉總叩頭程權來

朝同捷就戮蓋憲宗有知人之明而度盡致君之道也于是息瘡痍培根本區宇無獷悍之俗元和為盛明之代薰灼天下將明帝圖古往今來善無與讓即宜祇配聖德光揚大勳詳考功行無先於度 唐會要十八

請依統類計賊議 清泰三年御史臺刑部大理寺

舊例枉法賊十五匹絞天寶元年加至二十匹請今後犯枉法賊十五匹准律絞不枉法賊舊例三十匹加役流受所監臨五十匹流二千里今請依統類不枉法賊過三十匹受所監臨賊五十匹 册府六百一十三

上中書記事帖 天成三年二月十二日學士院

樞密院近送到權知高麗國諸軍事王建表令賜詔書者其高麗國未曾有人使到闕院中並無彼國詔書式樣未審呼卿呼汝兼使何色紙書寫及封裹事例伏請特賜參酌詳定報院者五代會要十三

薦送舉人先行鄉飲禮帖

清泰元年九月
月中書門下

太常以長興三年勅諸科舉人常年薦送先令行鄉飲酒之禮凡預舉人例從鄉賦遂奏鹿鳴之什俾騰龍化之津雅音既動於笙簧厚禮復陳於篚篚行茲盛事克振儒風宜令復行鄉飲酒之禮太常草定儀注頒行諸州預前肄習舉人之時便行此禮共儀速

具聞奏

册府六百五十一

玉璽述 周廣順三年
二月史臣

國以玉璽為傳授神器遂古無聞運斗樞曰舜為天子黃龍負璽世本曰魯昭公始作璽秦兼七國稱皇帝李斯取藍田之玉玉工孫壽刻之方四寸斯為大篆之形制如魚龍鳳鳥之狀希世之至寶也秦亡子嬰降于軹道漢帝得之與斬白蛇劍世傳寶之王莽之篡使王舜求璽于元后后怒投之於階一角微缺莽誅公孫賓以璽送更始劉玄敗以授盆子及熊耳之敗盆子以璽降光武漢末黃門張讓投璽于井

中孫堅討董卓入洛見井有五色氣乃杼得之持歸
以授袁術術敗荊州刺史徐璆得之詣許授獻帝漢
禪魏文帝得之魏禪晉武帝得之劉聰陷洛陽得之
聰死歸劉曜曜爲石勒所擒璽歸于鄴石季龍傳冉
閔閔敗東濮陽太守戴施入鄴得之送江東授穆帝
晉禪宋劉裕得之宋禪齊蕭陽得之齊禪梁蕭衍得
之臺城之陷侯景得之景敗其將侯子鑒欲以璽走
江北追兵所迫乃投于栖霞寺井中寺僧永杼匿而
得之陳永定三年永弟子普智上陳文帝隨平陳隨
叔寶入長安隨乃始得秦眞傳國寶煬帝在江都字

文化及篡逆以璽北度至韋縣爲竇建德所敗寶入
建德建德擒於武牢其妻曹氏以寶獻唐高祖本傳曹氏
以八寶降于長安 祿山之亂肅宗卽位於靈武上皇遣崔圓
送璽于鳳翔代宗之避狄分陝德宗之移幸山南皆
以八寶從黃巢之亂僖宗再幸山南昭宗播越石門
神器俱在天祐四年輝王禪位于梁命宰臣楊涉送
寶于大梁梁亡莊宗入汴得之同光末內難作寶爲
火所灼文字訛缺明宗清泰復得之清泰敗以傳國
寶隨身自焚而死其寶遂亡失其神寶者方六寸厚
一寸七分高四寸六分蟠龍隱起文與秦璽同但玉

色不及形制高大耳不知何代造東晉孝武十九年南雍州刺史郗恢於慕容永部得之送於金陵東晉末傳於宋高祖宋亡入齊蕭道成得之齊亡入梁蕭衍得之臺城之陷侯景得之景敗待中趙思齊携走江北獻齊文宣帝宇文氏滅齊武帝得之歸長安宇文亡入隨文帝改號傳國璽又改爲受命璽開皇九年平陳始得秦氏真傳國璽仍以秦璽後出得於亡陳以北朝所傳神璽爲第一秦璽次之隨亡竇建德妻與秦璽俱獻長安唐高祖得之唐末不知所在秦初制受命寶時別制六璽一曰皇帝行璽封冊諸王

公用之二曰皇帝之璽與王公書用之三曰皇帝信璽諸夏發兵用之四曰天子行璽封冊蕃國用之五曰天子之璽賜蕃國書用之六曰天子信璽徵蕃國兵用之六璽皆白玉刻螭虎紐方一寸五分高寸傳之歷代或有亡失北朝鑄之以金所謂乘輿八寶也太宗貞觀中別刻立璽莊宗時或口立璽又別刻受命寶天福初晉高祖以國寶爲清泰所焚特製寶一坐開運末契丹陷中原張彥澤入京城晉主奉表歸命於虜主遣皇子延煦等奉國璽并金印三面送于虜主其國寶卽天福初所造者也延煦等廻虜主與

